



08453

乾隆丙申較刊

霞客游記



辨譌
嗣出

孫浦邨莊藏版

昔劉彦和著文心雕龍五十篇

品之海東方紅線合沈水部一

見即按為異書平賴其力以

傳世也傳之而滅沒滋甚

嘉禾雲間法刻無完者自錢功

甫得宗繫年鈔補而後綴字

叙

一

士始得見全文以至於今不廢

昌黎韓子有云莫為之前雖

美弗彰莫為之後雖盛弗傳

信乎人之名之傳世而行遠莫

不有為之先後者至於書也亦

如是焉已矣族祖霞客公生有

遊家凡屐齒所到模以乾山水積
記成帙積帙成書昔人所稱五
千古奇書者此也惜未脫稿而
公卒賴季尹會明為之次其簡
編後旋燬于兵燹又賴之子介立
訪得義興史氏曹氏錄本彙

叙

二

校而遊記得復成書于時名人
巨公莫不樂購其遺編若以遊
勝具卒皆以謄本傳玩而就中
改換寬易者更不一人迄今百
有四十餘年雖得邑中楊凝
齋先生手校于前陳君體靜

再訂於後而傳言益廣謬處
寢多益之俗下者傭競于此
作生活計而任意刪節撞湊
如彥和雲夢素源之文往往使
讀者莫悉漏義是可痛也乙
東友適得楊陳兩先生訂定

叙

三

真本比對雙勘將手錄一通
思有以信今而傳後獨念兩
先生昔日細意搜討謂可存
其真以永世乃搏相傳言而訛
者者已如彼刪抹者又如予
即為之攷其缺失訂其異同

又安保無沾別淮濕魯需者或
以而斷脛添足無復有作者
之真面目存歟夫是書之名
世傳世均非予小子之所敢知
要使作者之精神不漸滅於
煨燼之餘更不滅沒于妄庸

叙

四

之手是則後人之責所第不獲
辭去如爰急付梓庶幾後世
有功甫其人感以此比于華
山繫本則又私心之所冀幸也夫
時乾隆四十一年歲次丙申秋九
月亥浦族孫鎮謹序

錄徐霞客遊記序

己丑仲夏將赴淮浦舟中無事展閱外舅南開先生所鈔徐霞客遊記抵寓後既終卷念其平生胼胝跋涉歷數萬里衝風雨觸寒暑者垂三十年其所自記遊蹟計日按程鑿鑿有稽文詞繁委要爲道所親歷不失質實詳密之體而形容物態摹繪情景時復雅麗自賞足移人情既可自怡悅復堪供持贈者也因手錄而存之凡兩閱月而畢曰是殆負邁俗不羈之志狂而不知取裁者與觀其意趣所寄往往出入於釋老仙佛亦性質之近使然而其爲人之奇崛豪宕於斯槩見未可沒也古之殫心於天文地理之學以成名者冥搜闕與

遊記舊序

曠覽幽遐每出於踪跡瑰異之士自非有好奇之癖亦孰肯蹈絕險赴窮荒敝精力以爲之哉若其足以裨助見聞正於學者不無補也今觀風國二雅所陳禹貢職方所紀以及地理河渠諸志皆詳山川風土以爲農田水利施政立教因時制宜之具其間蟲魚草木之產兼資多識聖教不廢茲非其足相發明證佐者與切而言之深山大澤流峙終古皆天地法象示人之至教本生人所應窮歷特以手足之力有限百年之期若瞬勢弗能親至而目見得斯書也苟力所可至境所適逢固可展卷披對按所已經者以爲程而所未能至者亦可以心知其槩如涉其境焉昔夫子亟稱原泉曾氏風雩

詠歸蓋造物與遊所以涵泳天機陶寫胃次案頭置此如朝夕晤名山水於几席間詎非仁智養心之善物耶抑尤有足以警心者霞客之遊也升降於危崖絕壑搜探於蛇龍窟宅亘古人跡未到之區不惜捐軀命多方竭慮以赴之期於必造其域必窮其奧而後止學者之於道也若覃思鼓勇亦如霞客之於山水則亦何深之不窮何遠之不屆且入焉而安會無犯難輕生之虞味焉而腴非有飢渴疲憊之困其爲高深美富奚啻於洞壑泉石之奇岱華江河之大哉有志者可以觀此而興矣余既喜其書之不爲無益且以其足爲入道喻也爰爲之序以自勗焉康熙己丑八月癸卯同邑後學楊

遊記

舊序

二

名時序

重錄徐霞客遊記序

己丑夏秋旣手錄徐霞客遊記而爲之序矣重陽抵家復得友人所藏原本校之乃知前所鈔本出於宜興史氏者字多譌誤其刪減易置處輒於實境不符文意不協用歎天下之率意改竄文字而致失作者之本來如宜興史氏者爲可鑒也初余錄是集之意謂存斯書也他年力所可至境所適逢可展卷披對按已經者以爲程而所未能至者亦可以心知其槩日涉其趣焉若如史本則旣失其真又安用之爰亟爲改正添入再手磨一過以復其舊大抵霞客之記皆据景直

書不憚委悉煩密非有意於描摹點綴託興抒懷與古人遊記爭文章之工也然其中所言名山巨浸宏博富麗者皆高卑定位動靜變化之常下至一澗一阿禽魚草木亦賢人君子偃仰棲遲寤言寫心之境正昔人所云取之無禁用之不竭者也雖止詳其形體區域而天地山川之性情俟人之神會而意喻者悉已寓之矣其得之多寡知之淺深存乎人耳夫造物之奇闕恒有待而發亦有待而傳有是境而人不知則此境爲虛矣遊是境而默不言則此遊爲虛矣霞客之前境自在天下也而無人乎知之無人乎言之卽知而言之亦與什一於千百而已設霞客於身到自歷之處唯自知之而

遊記 舊序

三

自樂之不以紀於書而傳於世人又烏知其有與無耶然則斯書之不可沒謂天地之迹存焉耳而况於天地之心生人之本古之聖賢心知之而身備之而推所得以公於世者其遺文之可寶愛爲何如哉庚寅二月丙申朔揚名時序

書手鈔霞客遊記後

吾邑有三書皆卓絕王楮溪詩集黃蘭溪邑志徐霞客遊記是也黃志余曾得家克艱校本錄過視他本稍佳然猶間有譌字楮溪集余止草錄一過尙未謄真獨遊記校對數次並經融郊師訂正完好後有得者當爲余寶之後學陳泓識

例言

一記自萬曆癸丑訖崇正庚辰原編十冊茲因卷帙繁重每冊又各分上下以便檢閱

一癸酉以前公母在堂每歲間出先事各省名山志在何方故也丙子以後公母旣歿始爲萬里遐征計由浙至滇遊屐多在西南茲刻統以遊記名之自癸丑至癸酉合爲一冊丙子至己卯分爲九冊每冊首標記年月悉按霞公墓志校正

一凡隨地雜記一切風土人物事蹟諸本另作一行與日記混列茲刻凡記中比類連及者每段俱脫一字聯綴至

遊記 例言

一

無可比附如盤江考江源考騰邊說畧永昌志等並按省郡次第附各記之後

一是書善本並推楊凝齋陳靜體茲刻全以二本作指南而又

彙集各抄本參考互訂務求愜當若截趾適履以訛定訛則吾豈敢

一凡記中原本脫落字句悉照介翁附註載明間有疑誤或係後人率意填湊無可訂正者謹按字數以方圈代之至諸本異同例應分載各句之下但恐與本文原註及介翁附註混列茲用裁附外編

一公交滿天下向來諸本襍載公與諸同人酬和詩帖亦

足見風雅一斑但季君會明言公之詩稿已失今各本所載諸詩互有異同頗難傳信至一切名人巨公題贈已勒入晴山堂帖中茲刻概不登入

一字經三寫烏焉成馬茲刻彙集各抄本一一訂正但俗本沿誤已久魚珠混淆因竊附辨訛數條庶閱者不迷五色

鎮見聞淺渺凡記中所載各省郡縣山川關塞堡鎮亭橋驛觀寺宇等於考正一統志及各省郡縣志風土記外謹按本朝省郡全圖偕諸同人更歷寒暑細意搜討尙恐舛漏幸海內博雅君子釐正爲望

遊記 例言

二

是書自丙申三月鳩工迄於十月告竣中間經紀一切賴內兄蔡方達那費於前族弟海南釀資於後俾得次第藏事至往來商畧得朱君陸嘉孔君瑤山之方尤多

孩浦徐鎮筠峪氏謹識

遊記目次

第一冊上

遊天台山日記

遊雁蕩山日記

遊白岳山日記

遊黃山日記

遊武夷山日記

遊廬山日記

遊黃山後記

遊九鯉湖日記

遊記目次

第一冊下

遊嵩山日記

遊太華山日記

遊太和山日記

閩遊日記

閩遊後記

遊天台山後記

遊雁蕩山後記

遊五臺山日記

遊恒山日記

第二册上

浙遊日記

江右遊日記

第二册下

楚遊日記

第三册上

粵西遊日記一

第三册下

粵西遊日記二

第四册上

遊記 目次

粵西遊日記三

粵西遊日記四

第四册下

黔遊日記一

黔遊日記二

第五册上

滇遊日記一

缺

小記三則

隨筆二則

滇遊日記二

第五册下

滇遊日記三

附盤江考

第六册上
滇遊日記四

第六册下
滇遊日記五

第七册上
滇遊日記六

第七册下
滇遊日記七

第八册上
滇遊日記八

遊記 目次

第八册下

第九册上
滇遊日記九

第九册下
滇遊日記十

第九册上
滇遊日記十一
附永昌志畧
附近騰諸彝說畧

第十册上

第十册下
滇遊日記十二

第十册下
滇遊日記十三
附雞山志畧
附麗江紀畧
附法王緣起
附江源考

外編書牘 墓志
諸本異同考畧 辨
附介立公小傳

遊記
目次

四

目次終

舊校姓氏

史夏隆 漏瀆

曹駿甫

王忠紉

曹宸采

奚又溥

天如

陳泓

體靜

孔毓林

龍吉

朱元士

暢亭

貢世銓

梧軒

徐遵湯

仲昭

徐會起

觀霞

徐晉錫

東維

徐允濟

鄰山

徐勳

鳴謙

徐禾

名書

徐圻

景筌

遊記

校刊姓氏

刊誤姓氏

卞玉

蠶齋

吳楷

式齋

徐青選

綸園

張兆桂

月鄰

徐浩

配菴

白岵思

双勅

分校姓氏

汪兆徵

是麒

鄭宗泗

質夫

張續德

元復

王應麒

徐棟

國深

徐鳳飛

振雍

徐上承

傳芳

徐敬承

繼芳

徐遇春

向榮

徐遇隆

時行

徐宇昌 象治

徐汾 寰洲

徐蘭言 芳谷

徐夢熊 渭綸

徐鏞 大治

徐尚德 克周

遊記
校刊姓氏

遊記第一冊上

江陰徐宏祖霞客著

子別姓李

寄在立



同邑 季夢良會明編

無錫吳峻黼仙

重校

楊名時凝齋閱

族孫徐

鎮筠略

遊天台山日記

浙江台州府

癸丑之三月晦自寧海出西門雲散日朗人意山光俱有喜態三十里至梁隍山聞此地於菟夾道月傷數十人遂止宿四月初一日早雨行十五里路有岐馬首西向台山天色漸霽又十里抵松門嶺山峻路滑舍騎步升自奉化來雖越嶺數重皆循山麓至此迂迴臨陟俱在山脊而雨後新霽泉聲

遊記

一冊上
天台

一

山色往復創變翠叢中山鵲映發令人攀歷忘苦又十五里飯於筋竹菴山頂隨處種麥從筋竹嶺南行則向國清大路適有國清僧雲峰同飯言此抵石梁山險路長行李不便不若以輕裝往而重擔向國清相待余然之令擔夫隨雲峰往國清余與蓮舟上人就石梁道行五里過筋竹嶺嶺旁多短松老枝屈曲根葉蒼秀俱吾閩門盆中物也又三十餘里抵彌陀菴上下高嶺深山荒寂恐藏虎故草木俱焚去泉轟風動路絕旅人菴在萬山峒中路荒且長適當其半可飯可宿

初二日飯後雨始止遂越潦攀嶺溪石漸幽二十里暮抵天封寺臥念晨上峰頂以期霽為緣蓋連日晚霽並無曉晴及

五更夢中聞明星滿天喜不成寐

初三日晨起果日光熾熾決策向頂上數里至華頂菴又三里將近頂爲太白堂俱無可觀聞堂左下有黃經洞乃從小徑二里俯見一突石頗覺秀蔚至則一髮僧結菴於前惡風自洞來以石甃塞其門犬爲歎惋復上至太白循路登絕頂荒草靡靡山高風冽草上結霜高寸許而四山迴映琪花玉樹玲瓏彌望嶺角山花盛開頂上反不吐色蓋爲高寒所勒耳仍下華頂菴過池邊小橋越三嶺溪迴山合木石森麗一轉一奇殊慊所望二十里過上方廣至石梁禮佛曇花亭不暇細觀飛瀑下至下方廣仰視石梁飛瀑忽在天際聞斷橋

遊記 一册上

天台

二

珠簾尤勝僧言飯後行猶及往返遂由仙筏橋向山後越一嶺沿澗八九里水瀑從石門瀉下旋轉三曲上層爲斷橋兩石斜合水碎迸石間滙轉入潭中層兩石對峙如門水爲門束勢甚怒下層潭口頗闊瀉處如闕水從坳中斜下三級俱高數丈各極神奇但循級而下宛轉處爲曲所遮不能一望盡收又里許爲珠簾水水傾下處甚平闊其勢散緩滔滔汨汨余赤足跳草莽中採木緣崖蓮舟不能從暝色四下始返停足仙筏橋觀石梁臥虹飛瀑噴雪幾不欲臥

初四日天山一碧如黛不暇晨冷卽循仙筏上曇花亭石梁卽在亭外梁闊尺餘長三丈架兩山均間兩飛瀑從亭左來

至橋乃合流下墜雷轟河噴百丈不止余從梁上行下瞰深潭毛骨俱悚梁盡卽爲大石所隔不能達前山乃還過曇花入上方廣寺循寺前溪復至隔山大石上坐觀石梁爲下寺僧促飯乃去飯後十五里抵萬年寺登藏經閣閣兩重有南北經兩藏寺前後多古杉悉三人圍鶴巢於上傳聲嘹唳亦山中一清響也是日余欲向桐栢宮覓瓊臺雙闕路多迷津遂謀向國清國清去萬年四十里中過龍王堂每下一嶺余謂已在平地及下數重勢猶未止始悟華頂之高去天非遠日暮入國清與雲峰相見如遇故知與商探奇次第雲峰言名勝無如兩巖雖遠可以騎行先兩巖而後步至桃源抵桐栢則翠壁赤城可一覽收矣

遊記

一册上天台

三

初五日有雨色不顧取寒明兩巖道由寺向西門覓騎騎至雨亦至五十里至步頭雨止騎去二里入山峰縈水映木秀石奇意甚樂之一溪從東陽來勢甚急大若曹娥四顧無筏負奴背而涉深過於膝移渡一澗幾一時三里至明巖明巖爲寒山拾得隱身地兩山廻曲志所謂八寸關也入關則四圍峭壁如城最後洞深數丈廣容數百人洞外左右兩巖皆在半壁右有石笋突聳上齊石壁相去一線青松紫蕊蕩菴於上卻與左巖相對可稱奇絕出八寸關復上一巖亦左向來時仰望如一隙及登其上明敞容數百人巖中一井曰仙

人井淺而不可竭巖外一特石高數丈上屹立如兩人僧指
爲寒山拾得云入寺飯後雲陰潰散新月在天人在迴崖頂
上對之清光溢壁。

初六日凌晨出巖六七里至寒巖石壁直上如壁仰視空中
洞穴甚多巖半有一洞闊八十步深百餘步平展明朗循巖
右行從石隘仰登巖均有兩石對聳下分上連爲鵲橋亦可
與方廣石梁爭奇但少飛瀑直下耳還飯僧舍覓筏渡一溪
循溪行山下一帶峭壁巉崖草木盤垂其上丙多海棠紫荆
映蔭溪色香風來處玉蘭芳草處處不絕已至一山嘴石壁
直豎澗底澗深流駛旁無餘地壁上鑿孔以行孔中僅容半
趾偏身而過神魄爲動自寒巖十五里至步頭從小路向桃
源桃源在護國寺旁寺已廢土人茫無知者隨雲峰莽行曲
路中日已墮竟無宿處乃復問至坪頭潭潭去步頭僅三十
里今從小路反迂迴三十餘里宿信桃源誤人也。

初七日自坪頭潭行曲路中三十餘里渡溪入山又四五里
山口漸爽有館曰桃花塢循深潭而行潭水澄碧飛泉自上
來注爲鳴玉澗澗隨山轉人隨澗行兩旁山皆石骨攢巒夾
翠涉目成賞大抵勝在寒明兩巖間澗窮路絕一瀑從山均
瀉下勢甚縱橫出飯館中循塢東南行越兩嶺尋所謂瓊臺
雙闕竟無知者去數里訪知在山頂與雲峰循路攀援始達

其巔下視峭削環轉一如桃源而翠壁萬丈過之峰頭中斷
卽爲雙闕雙闕所夾而環者卽爲瓊臺臺三面絕壁後轉卽
連雙闕余在對闕日暮不及復登然勝已一日盡矣遂下山
從赤城後還國清凡三十里

初八日離國清從山後五里登赤城赤城山頂圓壁特起壁
之如城而石色微赤巖穴爲僧舍凌雜盡掩天趣所謂玉京
洞金錢池洗腸井俱無甚奇

遊雁宕山日記 浙江溫州府

自初九日別台山初十日抵黃巖日已西出南門三十里宿
於八疊

遊記 一册上
雁宕

五

十一日二十里登盤山嶺望雁山諸峰芙蓉插天片片撲人
眉宇又二十里飯大荆驛南涉一溪見西峰上綴圓石奴輩
指爲兩頭陀余疑卽老僧巖但不甚肖五里過章家樓始見
老僧真面目袈衣禿頂宛然兀立高可百尺側又一小童僮
僕於後向爲老僧所掩耳自章樓二里山半得石梁洞洞門
東向門口一梁自頂斜插於地如飛虹下垂由梁側隙中層
級而上高敞空豁坐頃之下山由右麓逾謝公嶺渡一澗循
澗西行卽靈峰道也一轉山腋兩壁峭立亘天危峰亂疊如
削如攢如駢筍如挺芝如筆之卓如幘之欹洞有口如捲幙
者潭有碧如澄靛者雙鸞五老接翼聯肩如此里許抵靈峰

寺循寺側登靈峰洞峰中空特立寺後側有隙可入由隙歷
磴數十級直至窩頂則窅然平臺圓敞中有羅漢諸像坐玩
至暝色返寺

十二日飯後從靈峰右趾覓碧霄洞返舊路抵謝公嶺下南
過響巖五里至淨名寺路口入覓水簾谷乃兩崖相夾水從
崖頂飄下也出谷五里至靈巖寺絕壁四合摩天劈地曲折
而入如另闢一寰界寺居其中南向背爲屏霞嶂嶂頂齊而
色紫高數百丈闊亦稱之嶂之最南左爲展旗峰右爲天柱
峰嶂之右脇介於天柱者先爲龍鼻水龍鼻之穴從石罅直
上似靈峰洞而小穴內石色俱黃紫獨罅口石紋一縷青紺

遊記 一册上
雁宕

六

潤澤頗有鱗瓜之狀自頂貫入洞底垂下一端如鼻鼻端孔
可容指水自內滴下注石盆此嶂右第一奇也西南爲獨秀
峰小於天柱而高銳不相下獨秀之下爲卓筆峰高半獨秀
銳亦如之兩峰南均轟然下瀉者小龍湫也隔龍湫與獨秀
相對者玉女峰也頂有春花宛然挿髻自此過雙鸞卽極於
天柱雙鸞止兩峰並起峰際有僧拜石袈裟偃僕肖矣由嶂
之左脇介於展旗者先爲安禪谷谷卽屏霞之下巖東南爲
石屏風形如屏霞高闊各得其半正挿屏霞盡處屏風頂有
蟾蜍石與嶂側玉龜相向屏風南去展旗側褶中有徑直上
磴級盡處石闕限之俯闕而窺下臨無地上嵌崆峒外有二

圓穴側有一長穴光自穴中射入別有一境是爲天聰洞則嶂左第一奇也銳峰疊嶂左右環向奇巧百出眞天下奇觀而小龍湫下流經天柱展旗橋跨其上山門臨之橋外合珠巖在天柱之麓頂珠峰在展旗之上此又靈巖之外觀也

十三日出山門循麓而右一路崖壁參差流霞映采高而展者爲板嶂巖巖下危立而尖夾者爲小剪刀峰更前重巖之上一峰亭亭挿天爲觀音巖巖側則馬鞍嶺橫亘於前鳥道盤折逾岫右轉溪流湯湯澗底石平如砥沿澗深入約去靈巖十餘里過常雲峰則大剪刀峰介立澗窈剪刀之北重巖陡起是名連雲峰從此環遶迴合巖窮矣龍湫之瀑轟然下

遊記一册上
雁宕

七

搗潭中巖勢開張峭削水無所着騰空飄蕩頓令心目眩怖潭上有堂相傳爲諾詎那觀泉之所堂後層級直上有亭翼然而瀑踞坐久之下飯菴中雨廉纖不止然余已神飛雁湖山頂遂冒雨至常雲峰由峰半道松洞外攀絕磴三里趨白雲菴人空菴圯一道人在草莽中見客至望望去再入一里有雲靜菴乃投宿焉道人清隱臥牀數十年尙能與客談笑余見四山雲雨淒淒不能不爲明晨憂也

十四日天忽晴朗乃強清隱徒爲導清隱謂湖中草滿已成蕪田徒復有他行但可送至峰頂余意至頂湖可坐得於是人捉一杖躋攀深草中一步一喘數里始歷高巔四望白雲

迷漫一色。平鋪峰下。諸峰朶朶。僅露一頂。日光映之。如冰壺瑤界。不辨海陸。然海中玉環一抹。若可俯而拾也。北瞰山岫壁立。內石笋森森。參差不一。三面翠崖環繞。更勝靈巖。但谷幽境絕。惟聞水聲潺潺。莫辨何地。望四面峰巒累累。下伏如邱垤。惟東峰昂然獨上。最東之常雲猶堪比肩。導者告退。指湖在西腋。一峰尙須越三尖。余從之。及越一尖。路已絕。再越一尖。而所登頂已在天半。自念志云。岩在山頂。龍湫之水。卽自岩來。今山勢漸下。而土湫之澗。却自東高峰發脉。去此已隔二谷。遂返轍而東。望東峰之高者趨之。蓮舟疲不能從。由舊路下。余與二奴東越二嶺。入跡絕矣。已而山愈高。脊愈狹。

遊記

一册上
雁宕

八

兩邊夾立。如行刀背。又石片稜稜。怒起。每過一脊。卽一峭峰。皆從刀劍隙中攀援而上。如是者三。但見境不容足。安能容湖。旣而高峰盡處。一石如篲。向懼石鋒撩人。至是且無鋒。置足矣。躊躇崖上。不敢復向故道。俯瞰南面。石壁下有一級。遂脫奴足布四條。懸崖垂空。先下一奴。余次從之。意可得攀援之路。及下。僅容足無餘地。望巖下斗深百丈。欲謀復上。而上巖亦嵌空三丈餘。不能飛陟。持布上試。布爲突石所勒。忽中斷。復續懸之。竭力騰挽。得復登上巖。出險。還雲靜菴。日已漸西。主僕衣履俱敝。尋湖之興衰矣。遂別而下。復至龍湫。則積雨之後。怒濤傾注。變幻極勢。轟雷噴雪。大倍於昨。坐至曉始

出南行四里宿能仁寺

十五日寺後覓方竹數握細如枝林中新條大可徑寸柔不
中杖老柯斬伐殆盡矣遂從岐度四十九盤一路遵海而南
踰窰嶽嶺往樂清

遊白岳日記

徽州府

丙辰歲余同潯陽叔翁於正月二十六日至徽之休寧出西
門其溪自祁門縣來經白岳循縣而南至梅口會郡溪入浙
循溪而上二十里至南渡過橋依山麓十里至巖下已暮登
山五里借廟中燈冒雪躡冰二里過天門里許入榔梅菴路
經天門珠簾之勝俱不暇辨但聞樹間水響錚錚入菴後大

遊記

一册上

白岳

九

竅作潯陽與奴子俱後余獨臥山房夜聽水聲屋溜竟不能
寐

二十七日起視滿山水花玉樹迷漫一色坐樓中適潯陽并
奴至乃登太素宮宮背向元帝像乃百鳥啣泥所成色黧黑
像成於宋殿新於嘉靖三十七年庭中碑文世廟御製也左
右爲王靈官趙元帥殿俱雄麗背倚玉屏前臨香爐峰峰突
起數十丈如覆鐘未遊台宕者或奇之出廟左至捨身崖轉
而上爲紫玉屏再西爲紫霄崖俱危聳傑起再西爲三姑峰
五老峰文昌閣據其前五老比肩不甚峭削頗似筆架返榔
梅循夜來路下天梯則石崖三面爲圍上覆下嵌絕似行廊

循崖而行泉飛落其外爲珠簾水嵌之深處爲羅漢洞外開
內伏深且十五里東南通南渡崖盡處爲天門崖石中空人
出入其間高爽飛突正如閭闔門外喬楠中峙蟠青叢翠門
內石崖一帶珠簾飛灑奇爲第一返宿菴中訪五井橋崖之
勝羽士汪伯化約明晨同行

二十八日夢中間人言大雪促奴起視彌山漫谷矣余強臥
已刻同伯化躡屐二里復抵文昌閣覽地天一色雖阻游五
井更益奇觀

二十九日奴子報雲開日色浮林端矣急披衣起青天一色
半月來所未睹然寒威殊甚方促伯化共飯飯已大雪復至

遊記 一册上
白岳

十

飛積盈尺偶步樓側則香爐峰正峙其前樓後出一羽士曰
程振華者爲余談九井橋巖傳巖諸勝

三十日雪甚兼霧濃咫尺不辨伯化攜酒至捨身崖飲睇元
閣閣在崖側水柱垂垂大者竟丈峰巒滅影近若香爐峰亦
不能見

二月初一日東方一縷雲開已而大朗溇陽以足裂留菴中
余急同伯化躡西天門而下十里過雙溪街山勢已開五里
山復漸合溪環石映倍有佳趣三里由溪口循小路入越一
山二里至石橋巖橋側外巖高亘如白岳之紫霄巖下俱因
巖爲殿山石皆紫獨有一青石龍蜿蜒於內頭垂空尺餘水

下滴曰龍涎泉頗如雁宕龍鼻水巖之右一山橫跨而中空
卽石橋也飛虹垂竦下空恰如半月坐其下隔山一岫特起
拱對其上衆峰環侍較勝齊雲天門卽天台石梁止一石架
兩山間此以一山高架而中空其半更靈幻矣穿橋而入里
許爲內巖上有飛泉飄灑中有僧齋頗勝還飯於外巖覓道
循崖左下灌莽中兩山夾澗路棘雪迷行甚艱導者勸余趨
傳巖不必向觀音巖余恐不能兼若盤龍井之勝不許行二
里得澗一泓深碧無底亦龍井也又三里崖絕澗窮懸瀑忽
自山坳掛下數丈亦此中奇境轉而上躋行山脊二里則基
盤石高峙山巔形如擎齒大且數圍登之積雪如玉廻望傳

遊記 一册上
白岳

巖吼噪雲際由彼抵基盤亦近悔不從導者石窀有文殊菴
竹石清映轉東而南二里越嶺三重山半得觀音巖禪院清
整然無奇景尤悔覲面失傳巖也仍越嶺東下深坑石澗四
合時有深潭大爲淵小如臼皆云龍井不能別其孰爲五孰
爲九凡三里石巖中石脉隱隱導者指其一爲青龍一爲白
龍余笑頷之又亂崖間望見一石嵌空有水下注外有橫石
跨之頗似天台石梁伯化以天且晚請速循澗覓大龍井忽
遇僧自黃山來云出此卽大溪行將何觀遂返里餘從別徑
向漆樹園行巉石亂流間返照映深木一往幽麗三里躋其
巔余以爲高埒齊雲及望之則文昌閣猶巍然也五老峰正

對閣而起。五老之東爲獨聳寨。循其坳而出。曰西天門。五老之西爲展旗峰。由其下而渡。曰芙蓉橋。余向西天門。今自芙蓉橋入也。余望三姑之苑。猶帶日色。遂先登。則落照正在五老間。歸菴已晚。餐矣。相與追述所歷。始知大龍井正在大溪口。足趾已及。而爲僧所阻。亦數也。

遊黃山日記

徽州府

初二日。自白岳下山十里。循麓而西。抵南溪橋。渡大溪。循別溪依山北行十里。兩山峭逼如門。溪爲之束。越而下。平疇頗廣。二十里爲豬坑。由小路登虎嶺。路甚峻。十里至嶺。五里越其麓。北望黃山。諸峰片片可掇。又三里爲古樓坳。溪甚闊。水

遊記

一册上

黃山

十二

漲無梁。木片瀰布一溪。涉之甚難。二里宿高橋。

初三日。隨樵者行久之。越嶺二重。下而復上。又越一重。兩嶺俱峻。曰雙嶺。共十五里。過江邨二十里。抵湯口。香溪溫泉。諸水所由出者。折而入山。沿溪漸上。雪且沒趾。五里抵祥符寺。湯泉在隔溪。遂俱解衣赴湯池。池前臨溪。後倚壁。三面石甃。上環石如橋。湯深三尺。時凝寒未解。而湯氣鬱然。水泡池底。汨汨起。氣本香冽。黃貞父謂其不及盤山。以湯口焦邨孔道。浴者太雜。選也。浴畢。返寺。僧揮印引登蓮花菴。躡雪循澗。以上澗。水三轉。下注而深泓者。曰白龍潭。再上而停涵石間者。曰丹井。井旁有石突起。曰藥臼。曰藥銚。宛轉隨溪。羣峰環聳。

木石掩映如此一里得一菴僧印我他出不能登其堂堂中香爐及鐘鼓架俱天然古木根所爲遂返寺宿

初四日兀坐聽雪溜竟日

初五日雲氣甚惡余強臥至午起揮印言慈光寺頗近令其徒引過湯池仰見一崖中懸鳥道兩旁泉瀉如練余卽從此攀躋上泉光雲氣撩繞衣裾已轉而右則茅菴上下磬韻香烟穿石而出卽慈光寺也寺舊名硃砂菴比丘爲余言山頂諸靜室徑爲雪封者兩月今早遣人送糧山半雪沒腰而返余興大阻由大路二里下山遂引破臥

初六日天色甚朗覽導者各攜筇上山過慈光寺從左上石

遊記 一册上
黃山

十三

峰環夾其中石級爲積雪所平一望如玉踈木茸茸中仰見羣峰盤結天都獨巍然上挺數里級愈峻雪愈深其陰處凍雪成冰堅滑不容着趾余獨前持杖鑿冰得一孔置前趾再鑿一孔以移後趾從行者俱循此法得度上至平岡則蓮花雲門諸峰爭奇競秀若爲天都擁衛者由此而入絕巘危崖盡皆怪松懸結高者不盈丈低僅數寸平頂短鬣盤根虬幹愈短愈老愈小愈奇不意奇山中又有此奇品也松石交映間冉冉僧一羣從天而下俱合掌言阻雪山中已三月今以覓糧勉到此公等何由得上也且言我等前海諸菴俱已下山後海山路尙未通惟蓮花洞可行耳已而從天都峰側攀

而上透峰罅而下東轉卽蓮花洞路也余急於光明頂石筍
砦之勝遂循蓮花峰而北上下數次至天門兩壁夾立中闕
摩肩高數十丈仰面而度陰森悚骨其內積雪更深鑿冰上
躋過此得平頂卽所謂前海也由此更上一峰至平天砦砦
之兀突獨聳者爲光明頂由砦而下卽所謂後海也蓋平天
砦陽爲前海陰爲後海乃極高處四面皆峻塢此獨若平地
前海之前天都蓮花二峰最峻其陽屬嶽之歛其陰屬寧之
太平余至平天砦欲望光明頂而上路已三十里腹甚枵遂
入砦後一菴菴僧俱跣石向陽主僧曰智空見客色饑先以
粥餉且曰新日太皎恐非老晴因指一僧謂余曰公有餘力

遊記 一册上
黃山

十四

可先登光明頂而後中食則今日猶可抵石筍砦宿是師處
矣余如言登頂則天都蓮花並肩其前翠微三海門環繞於
後下瞰絕壁峭岫羅列塢中卽丞相原也頂前一石伏而復
起勢若中斷獨懸塢中上有怪松盤蓋余側身攀踞其上而
淨陽踞大頂相對各誇勝絕下入菴黃梁已熟飯後北向過
一嶺躑躅菁莽中入一菴曰獅子林卽智空所指宿處主僧
霞光已待我菴前矣遂指菴北二峰曰公可先了此勝從之
俯窺其陰則亂峰列岫爭奇並起循之西崖忽中斷架木連
之上有松一株可攀引而度所謂接引崖也度崖穿石罅而
上亂石危綴間構木爲室其中亦可置足然不如踞石下窺

更雄勝耳。下崖猶而東里許爲石笋石瓦脊斜亘兩夾懸塢中。亂峰森羅其西一面卽接引崖所窺者。石側一峰突起多奇石怪松登之俯瞰壑中。正與接引崖對。瞰峰廻岫轉頓改前觀。下峰則落照擁樹謂明晴可卜。踴躍歸菴霞光設茶。引登前樓西望碧痕一縷。余疑山影僧謂山影夜望甚近。此當是雲氣。余默然知爲雨兆也。

初七日四山霧合少頃菴之東北已開西南風甚。若以菴爲界者卽獅子峰亦在時出時沒。晨餐後由接引崖踐雪下塢半一峰突起上有一松裂石而出。巨幹高不及二尺而斜拖曲結。蟠翠三丈餘。其根穿石上下。幾與峰等。所謂擾龍松

遊記

一册上
黃山

十五

是也。攀玩移時望獅子峰已出。遂杖而西。是峰在菴西南爲案山。二里躡其巔則三面接立塢中。其下森峰列岫。自石笋接引兩塢迤邐至此環結。又成一勝。登眺間沉霧漸爽。急由石笋石北轉而下。正昨日峰頭所望森陰徑也。羣峰或上或下。或巨或纖。或直或欹。與身穿達而過。俯窺輾顧步步生奇。但壑深雪厚一步一悚。行五里左峰腋一竇透明。曰天窻。又前峰旁一石竇起作面壁狀。則僧坐石也。下五里徑稍夷。循澗而行。忽前澗亂石縱橫。路爲之塞。越石久之。一闕新崩。片片欲墮。始得路。仰視峰頂黃痕一方。中間綠字宛然可辨。是謂天牌。亦謂仙人檢。又前鯉魚石。又前白龍池。共十五里。一

茅出澗邊爲松谷菴舊基再五里循溪東西行又過五水則松谷菴矣再循溪下溪邊香氣襲人則一梅亭亭正發山寒稽雪至是始芳抵青龍潭一泓深碧更會兩溪比白龍潭勢旣雄壯而大石磊落奔流亂注遠近羣峰環拱亦佳境也還餐松谷住宿舊菴余初至松谷疑已平地及是詢之須下嶺二重二十里方得平地至太平縣共三十五里云

初八日擬尋石笋輿境竟爲天奪濃霧迷漫抵獅子林風愈大霧亦愈厚余急欲趨煉丹臺遂轉西南三里爲霧所迷偶得一菴入焉雨大至遂宿此

初九日逾午少霽菴僧慈明甚誇西南一帶峰岫不減石笋

遊記 一册上

黃山

十六

砭有禿顛朝天達摩面壁諸名余拉等陽蹈亂流至壑中北向卽翠微諸巒南向卽丹臺諸塢大抵可與獅峰競駕未得比肩石笋也雨踵至急返菴

初十日晨雨如注午少停策杖二里過飛來峰此平天砭之西北嶺也其陽塢中峰壁森峭正與丹臺環遶二里抵臺一峰西垂頂頗平伏三面壁翠合沓前一小峰起塢中其外則翠微峰三海門踣股拱峙登眺久之東南一里遂出平天砭下兩復大至急下天門兩崖隘肩崖額飛泉俱從人頂潑下出天門危崖懸疊路緣崖半比後海一帶森峰峭壁又轉一境海螺石卽在崖旁宛轉酷肖來時忽不及察今行雨中頗

稔其異詞之始知已趨大悲菴由其旁復趨一卷宿悟空上人處

十一日上百步雲梯登挿天足趾及腮而磴石傾側崕岬兀兀欲動前下時以雪掩其險至此骨意俱悚上雲梯卽登蓮花峰道又下轉由峰側而入卽文殊院蓮花洞道也以雨不止乃下山入湯院復浴由湯口出二十里抵芳邨十五里抵東潭溪漲不能渡而止黃山之流如松谷焦邨俱北出太平卽南流如湯日亦北轉太平入江惟湯口西有流至芳邨而巨南趨巖鎮至府西北與續溪會

遊武夷山日記 福建建寧府崇安縣

遊記 一册上
武彞

十七

二月二十一日出崇安南門寬舟西北一溪自分水關東北一溪自溫嶺關合注於縣南通郡省而入海順流三十里見溪邊一峰橫欹一峰獨聳余咤而矚目則欹者幔亭峰聳者大王峰也峰南一溪東向而入大溪者卽武夷溪也冲祐宮傍峰臨溪余欲先抵九曲然後順流探歷遂舍宮不登逆流而進流甚駛舟子跣行溪間以挽舟第一曲右爲幔亭峰大王峰左爲獅子峰觀音巖而溪右之瀨水者曰水光石上題刻殆徧二曲之右爲鐵板嶂翰墨巖左爲兜鑿峰玉女峰而板嶂之秀崖壁峭立間有三孔作品字狀三曲右爲會仙巖左爲小藏峰大藏峰大藏壁立于仞崖端穴數孔亂挿木板

如機杼一小舟斜架穴口木末號曰架壑舟四曲右爲釣魚臺希真巖左爲雞棲巖晏仙巖雞棲巖半有洞外隘中宏橫挿木板宛然峙堞下一潭深碧爲臥龍潭其右大隱屏接笋峰左更衣臺天柱峰者五曲也文公書院正在大隱屏下抵六曲右爲仙掌巖天游峰左爲晚對峰響聲巖迴望隱屏天游之間危梯飛閣懸其上不勝神往而舟亦以湍急不得進還泊曹家石登陸入雲窩排雲穿石俱從亂崖中宛轉得路窩後卽接笋峰峰駢附於大隱屏其腰橫兩截痕故曰接笋循其側石隘躋磴數層四山環翠中留隙地如掌者爲茶洞洞口由西入口南爲接笋峰口北爲仙掌巖仙掌之東爲天

遊記 一册上

武彙

十八

游天游之南爲大隱屏諸峰上皆峭絕而下復攢湊外無磴道獨西通一鑊比天台之明巖更爲奇矯也從其中攀躋登隱屏至絕壁處懸大木爲梯貼壁直豎雲間梯凡三接級共八十一級盡有鐵索橫繫山腰下鑿坎受足攀索轉峰而西夾壁中有岡介其間若垂尾鑿磴以登卽隱屏頂也有亭有竹四面懸崖憑空下眺真仙凡曼隔仍懸梯下至茶洞仰視所登之處嶄然在雲漢隘口北崖卽仙掌巖巖壁屹立雄展中有斑痕如人掌長盈丈者數十行循崖北上至巔落照侵松山光水曲交加入覽南轉行夾谷中谷盡忽透出峰頭三面壁立有亭踞其首卽天游峰矣是峰處九曲之中不臨溪

而九曲之溪三面環之東望爲大王峰而一曲至三曲之溪環之南望爲更衣臺南之近者則大隱屏諸峰也四曲至六曲之溪環之西望爲三教峰西之近者則天壺諸峰也七曲至九曲之溪環之惟北向無溪而山從水簾諸山層疊而來至此中懸其前之俯而瞰者卽茶洞也自茶洞仰眺但見絕壁千霄泉從側間瀉下初不知其上有峰可憇其不歸溪而能盡九溪之勝此峰固應第一也立臺上望落日半規遠近峰巒青紫萬狀臺後爲天游觀亟辭去抵舟已入瞑矣。

二十二日登涯辭仙掌而西余所循者乃溪之右涯其隔溪則左涯也第七曲右爲三仰峰天壺峰左爲城高巖三仰之

遊記一册上

武彞

十九

下爲小桃源崩崖堆錯外成石門由門僂僂而入有地一區四山環遶中有平畦曲澗圍以蒼松翠竹雞聲人語俱在翠微中出門而西卽爲北廓巖巖頂卽爲天壺峰其對岸之城高巖轟然獨上四旁峭削如城巖頂有菴亦懸梯可登以隔溪不及也第八曲右爲鼓樓巖鼓子巖左爲大廩石海蚌石余過鼓樓巖之西折而北行塢中攀援上峰頂兩石兀立如鼓鼓子巖也巖高亘亦如城巖下深坳一帶如廊榭屋橫欄其內曰鼓子菴仰望巖上亂穴中多木板橫插轉巖之後壁間一洞更深敞曰吳公洞洞下梯已毀不能登望三教峰而趨緣山越磴深木蒼蔭其上抵峰有亭綴其旁可東眺鼓樓

鼓子諸勝山頭三峰石骨挺然並轟從石罅間躡磴而升傍崖得一亭穿亭入石門兩崖夾峙壁立參天中通一線上下尺餘人行其間毛骨陰悚蓋三峰攢立此其兩峰之罅其側尚有兩罅無此整削已下山轉至山後一峰與貓兒石相對峙盤亘亦如鼓子爲靈峰之白雲洞至峰頭從石罅中累級而上兩壁夾立頗似黃山之天門級窮迤邐至巖下因巖架屋亦如鼓子登樓南望九曲上游一洲中峙溪自西來分而環之至曲復合爲一洲外兩山漸開九曲已盡是巖在九曲盡處重巖迴疊地甚幽爽巖北盡處更有一巖尤奇上下皆絕壁壁間橫坳僅一線須伏身蛇行盤壁而度乃可入余卽

遊記 一冊上
武彖

二十

從壁均行已而坳漸低壁漸危則就而偃僂愈低愈狹則膝行蛇伏至坳轉處上下僅懸七寸闕止尺五均外壁深萬仞余匍匐以進胸背相摩盤旋久之得度其險巖果軒敞層疊有斧鑿置於中欲開道而未就也半晌返前巖更至後巖方構新室亦幽敞可愛出向九曲溪則獅子巖在焉循溪而返隔溪觀八曲之人面石七曲之城高巖種種神飛復泊舟由雲窩入茶洞穹窿窈窕再至矣再不能去已由雲窩左轉入伏義洞洞頗陰森左出大隱屏之陽卽紫陽書院謁先生廟像順流鼓棹兩崖蒼翠紛飛翻恨舟行之速已過天柱峰更衣臺泊舟四曲之南涯自御茶園登岸欲透出金雞巖之上

迷荆叢棘不得路乃從巖後大道東行巖有旁路可登大藏小藏諸峰復不得透出溪旁已在玉女峰下欲從此尋一線天徬徨無可問而舟泊金雞洞下迥不相聞乃沿溪覓路迤邐大藏小藏之麓一帶峭壁高聳砂磧崩壅土人多植茶其上從茗柯中行下瞰深溪上仰危崖所謂仙學堂藏仙窟俱不暇辨已至架壑舟仰見虛舟宛然較前溪中所見更悉大藏之西其路漸窮向荆棘中捫壁而上還瞰大藏西巖亦架一舟但兩崖對峙不能至其地也忽一舟自二曲逆流而至急下山招之其人以舟來受亦游客初至者約余返更衣臺同覽一線天虎嘯巖諸勝過余泊舟處並棹順流而下欲上

遊記

一册上

武彞

二十一

幔亭間大王峰抵一曲之水光石約舟待溪口余復登涯少入至止止菴望菴後有路可上遂趨之得一巖僧誦經其中乃禪巖也登峰之路尙在止止菴西仍下菴前西轉登山二里許抵峰下從亂箐中尋登仙石石旁峰突起作仰企狀鶴橫石在峰壁罅間霜翎朱頂裂紋如繪旁路窮有梯懸絕壁間躡而上搖搖欲墮梯窮得一巖則張仙遺蛻也巖在峰半覓徐仙巖皆石壁不可通下梯尋別道又不可得躡石則峭壁無階投莽則深密莫辨傭夫在前得斷磴大呼得路余裂衣不顧趨就之復不能前日已西薄遂以手懸棘亂墜而下得道已在萬年宮右趨入宮宮甚森傲羽士迎言大王峰頂

久不能到。惟張巖梯在峰頂六梯及徐巖梯俱已朽壞。徐仙
蛻已移入會真廟矣。出宮右轉過會真廟前大楓扶踈蔭
數畝圍數十抱。別羽士歸舟。

二十三日登陸覓換骨巖水簾洞諸勝。命移舟十里候於赤
石街。余乃入會真觀謁武彞君及徐仙遺蛻。出廟循幔亭東
麓北行二里。見幔亭峰後三峰駢立異而問之。三姑峰也。換
骨巖卽在其旁。望之趨登山里許。飛流汨然下瀉。俯瞰其下
亦有危壁。泉從壁半突出。踈竹掩映。殊有佳致。然業已上登
不及返顧。遂從三姑又上半里。抵換骨巖。巖卽幔亭峰後崖
也。巖前有菴。從巖後懸梯兩層。更登一巖。巖不甚深而環遶

遊記一册上
武彞

二十三

山巔如疊嶂。土人新以木板循巖爲室。曲直高下。隨巖宛轉。
循巖隙攀躋而上。幾至幔亭之頂。以路塞而止。返至三姑峰
麓。遶出其後。復從舊路下。至前所瞰突泉處。從此越嶺卽水
簾洞路。從此而下。卽突泉壁也。余前從上瞰。未盡其妙。至是
復造其下。仰望突泉。又在半壁之上。旁引水爲碓。有梯架之
鑿壁爲溝。以引泉。余循梯攀壁。至突泉下。其均僅二丈。上下
俱危壁。泉從上壁墮。坳中復從坳中溢而下。墮坳之上下四
旁。無處非水。而中有一石突起。可坐。坐久之。下壁循竹間路。
越嶺三重。從山腰約行七里。乃下塢。穿石門而上。半里。卽水
簾洞危崖千仞。上突下。巖泉從巖頂墮下。巖旣雄擴。泉亦高

散千條萬縷懸空傾瀉亦大觀也其巖高矗上突故巖下構
室數重而飛泉猶落檻外先在塗間睹閣寨頗奇道流指余
仍舊路越山可至余出石門愛鳩溪之勝悞走赤石街道塗
人指從此度小橋而南亦可往從之登山入一隘兩山夾之
內有巖有室題額乃杜轄巖土人訛爲睹閣耳再入又得一
巖有曲檻懸樓望赤石街甚近遂從舊道三里渡一溪又一
里則赤石街大溪也下舟掛帆二十里返崇安

游廬山日記

江西九江府

戊午余同兄雷門白夫以八月十八日至九江易小舟沿江
南入龍開河二十里泊李裁縫堰登陸五里過西林寺至東
林寺寺當廬山之陰南面廬山北倚東林山不甚高爲廬
之外廊中有大溪自東而西驛路界其間爲九江之建昌孔
道寺前臨溪入門爲虎溪橋規模甚大正殿夷燬右爲三笑
堂

遊記

一册上

廬山

二十三

廿九日出寺循山麓西南行五里越廣濟橋始舍官道沿溪
東向行又三里溪廻山合霧色霏霏如雨一人立溪口問之
由此東上爲天池大道南轉登石門爲天池寺之側徑余稔
知石門之奇路險莫能上遂倩其人爲導約二兄徑至天池
相待遂南渡小溪二重過報國寺從碧條香藹中攀陟五里
仰見濃霧中雙石帆立卽石門也一路由石隙而入復有二

石峰對峙路宛轉峰僂下瞰絕澗諸峰在鐵船峰旁俱從澗底矗聳直上離立咫尺爭雄競秀而層烟疊翠澄映四外其下噴雪奔雷騰空震盪耳目爲之狂喜門內對峰倚壁都結層樓危闕嶽人鄒昌明畢貫之新建精廬僧容成焚修其間從菴後小徑復出石門一重俱從石崖上上攀下躡磴窮則挽藤藤絕置木梯以上如是二里至獅子巖巖下有靜室越嶺路頗平再上里許得大道卽自郡城南來者歷級而登殿已當前以霧故不辨逼之而朱楹綵棟則天池寺也蓋燬而新建者由石廡側登聚仙亭亭前一崖突出下臨無地曰文殊臺出寺由大道左登披霞亭亭側岐路東上山脊行三里

遊記 一册上
廬山

二十四

由此再東二里爲大林寺由此北折而西曰白鹿昇仙臺北折而東曰佛手巖昇仙臺三面壁立四旁多喬松高帝御製周顛仙廟碑在其頂石亭覆之製甚古佛手巖穹然軒峙深可五六丈巖端石岐橫出故稱佛手循巖側菴右行崖石兩層突出深塢上平下仄訪仙臺遺址也臺後石上書竹林寺三字竹林爲匡廬幻境可望不可卽臺前風雨中時時聞鐘梵聲故以此當之時方雲霧迷漫卽塢中景亦如海上三山何論竹林還出佛手巖由大路東抵大林寺寺四面峰環前抱一溪溪上樹大三人圍非檜非杉枝頭着子累累傳爲寶樹來自西域向有二株爲風雨拔去其一矣

二十日晨霧盡收出天池越文殊臺四壁萬仞俯視鐵船峰正可飛鳥山北諸山伏如聚蠶匡湖洋洋山麓長江帶之遠及天際因再爲石門遊三里度昨所過險處至則容成方持貝葉出迎喜甚導余歷覽諸峰上至神龍宮右折而下入神龍宮奔澗鳴雷松竹蔥映山峽中與寂境也循舊路抵天池下從岐徑東南行十里升降於層峰幽澗無徑不竹無陰不松則金竹坪也諸峰隱護幽倍天池曠則遜之後南三里登蓮花峰側霧復大作是峰爲天池案山在金竹坪則左翼也峰頂叢石嶙峋霧隙中時作窺人態以霧不及登越嶺東向二里至仰天坪因謀盡漢陽之勝漢陽爲廬山最高頂此坪

遊記 一冊上
廬山

二十五

則爲僧廬之最高者坪之陰水俱北流從九江其陽水俱南下屬南康余疑坪去漢陽當不遠僧言中隔桃花峰尙有十里遙出寺霧漸解從山塢西南行循桃花峰東轉過晒穀石越嶺南下復上則漢陽峰也先是遇一僧謂峰頂無可托宿宜投慧燈僧舍因指以路未至峰頂二里落照盈山遂如僧言東向越嶺轉而西南卽漢陽峰之陽也一徑循山重嶂幽寂非復人世里許蒼然竹叢中得一龕有僧短髮覆額破衲赤足者卽慧燈也方挑水磨腐竹內僧三四人衣履揖客皆慕燈遠來者復有赤脚短髮僧從崖間下問之乃雲南雞足山僧燈有徒結茅於內其僧歷懸崖訪之方返耳余卽拉一

僧爲導攀援半里至其所石壁峭削懸梯以度一茅如慧燈
龕僧本山下民家亦以慕燈居此至是而上仰漢陽下俯絕
壁與世夔隔矣暝色已合歸宿燈龕燈煮腐相餉前指路僧
亦至燈半月一腐必自己出必徧及其徒徒亦自至來僧其
一也

二十一日別燈從龕後小徑直躋漢陽峰攀茅拉棘二里至
峰頂南瞰鄱湖水天浩蕩東瞻湖口西盼建昌諸山歷歷無
不俯首失恃惟北面之桃花峰錚錚比肩然昂霄逼漢此其
最矣下山二里循舊路向五老峰漢陽五老俱匡廬南面之
山如兩角相向而犁頭尖界於中退於後故兩峰相望甚近

遊記 一册上

廬山

二十六

而路必仍至金竹坪達犁頭尖後出其左脇北轉始達五老
峰自漢陽計之且三十里余始至嶺角望峰頂坦夷莫詳五
老面目及至峰頂風高水絕寂無居者因遍歷五老峰始知
是山之陰一岡連屬陽則山從絕頂平剖列爲五枝憑空下
墜者萬仞外無重岡疊嶂之蔽際目甚寬然彼此相望則五
峰排列自掩一覽不能兼收惟登一峰則兩旁無底峰峰各
奇不少讓真確曠之極觀也仍下二里至嶺角北行山塢中
里許入方廣寺爲五老新刹僧知覺甚稔三疊之勝言道路
極艱促余速行北行一里路窮渡澗隨澗東西行鳴流下注
亂石兩山夾之叢竹修枝鬱葱上下時時仰見飛石突綴其

間轉入轉佳既而澗旁路亦窮從澗中亂石行圓者滑足尖者刺履如是三里得綠水潭一泓深碧怒流傾瀉於上流者噴雪停者毓黛又里許爲大綠水潭水勢至此將墮天倍之怒亦益甚潭前峭壁亂聳回互逼立下瞰無底但聞轟雷倒峽之聲心怖目眩泉不知從何墜去也於是澗中路亦窮乃西向登峰峰前石臺鵲起四瞰層壁陰森偪側泉爲所蔽不得卽必至對面峭壁間方能全收其勝乃循山岡從北東轉二里出對崖下瞰則一級二級三級之泉始依次悉見其馮中一壁有洞如門者二僧輒指爲竹林寺門云頃之北風自湖口吹上寒生粟起急返舊路至綠水潭詳觀之上有洞翁然下墜僧引入其中曰此亦竹林寺三門之一然洞本石罅夾起內橫通如十字南北通明西入似無底止出溯溪而行抵方廣已昏黑

遊記一册上
廬山

二十七

二十二日出寺南渡溪抵犁頭尖之陽東轉下山十里至楞伽院側遙望山左脇一瀑從空飛墜環映青紫天矯滉漾亦一雄觀五里過棲賢寺山勢至此始就平以急於三峽澗未之入里許至三峽澗澗石夾立成峽怒流衝激而來爲峽所束迴奔倒湧轟振山谷橋懸兩崖石上俯瞰深峽中迸珠戛玉過橋從岐路東向越嶺趨白鹿洞路皆出五老峰之陽山田高下點錯民居橫歷坡陀仰望排嶂者三里直入峰下爲

白鶴觀又東北行三里抵白鹿洞亦五老峰前一山塢也環山帶溪喬松錯落出洞由大道行爲開先道蓋廬山形勢犁頭尖居中而少遜棲賢寺實中處焉五老左突下卽白鹿洞右峙者則鶴鳴峰也開先寺當其前於是西向循山橫過白鹿棲賢之大道十五里經萬松寺陟一嶺而下山寺巍然南向者則開先寺也從殿後登樓眺瀑一縷垂垂尙在五里外半爲山樹所翳傾瀉之勢不及楞伽道中所見惟雙劍嶺巖衆峰間有芙蓉挿天之態香爐一峰直山頭圓阜耳從樓側西下壑澗流鏗然瀉出峽石卽瀑布下流也瀑布至此反隱不復見而峽水滙爲龍潭澄映心目坐石久之四山暝色返

遊記

一册上廬山

二十八

宿於殿西之鶴峰堂

二十三日由寺後側徑登山越澗盤嶺宛轉山半隔峰復見一瀑並掛瀑布之東卽馬尾泉也五里攀一尖峰絕頂爲文殊臺孤峰拔起四望無倚頂有文殊塔對崖削立萬仞瀑布轟轟下墜與臺僅隔一澗自巔至底一目殆無不盡不登此臺不悉此瀑之勝下臺循山岡西北湖溪卽瀑布上流也一徑忽入山迴谷抱則黃巖寺據雙劍峰下越澗再上得黃石巖巖石飛突平覆如砥巖側茅閣方丈幽雅出塵閣外修竹數竿拂羣峰而上與山花霜葉映配峰際翻湖一點正當窻牖縱步溪石間觀斷崖夾壁之勝仍飯開先遂別去

戊午九月初三日出白岳榔梅菴至桃源橋從小橋右下陡甚卽舊向黃山路也七十里宿江邨

初四日十五里至湯口五里至湯寺浴於湯池扶杖望硃砂菴而登十里上黃泥岡向時雲裏諸峰漸漸透出亦漸漸落吾杖底轉入石門越天都之脇而下則天都蓮花二頂俱秀出天半路旁一歧東上乃昔所未至者遂前趨直上幾達天都側復北上行石罅中石峰片片夾起路宛轉石間塞者鑿之陡者級之斷者架木通之懸者植梯接之下瞰峭壑陰森楓松相間五色紛披燦若圖繡因念黃山當生平奇覽而有

遊記

一冊上
黃山後

二十九

奇若此前未一探茲遊快且愧矣時夫僕俱阻險行後余亦停弗上乃一路奇景不覺引余獨往既登峰頭一菴翼然爲文殊院亦余昔年欲登未登者左天都右蓮花背倚玉屏風兩峰秀色俱可手掣四顧奇峰錯列衆壑縱橫眞黃山絕勝處非再至焉知其奇若此遇遊僧澄源至興甚勇時已過午奴輩適至立菴前指點兩峰菴僧謂天都雖近而無路蓮花可登而路遙祇宜近盼天都明日登蓮頂余不從決意遊天都挾澄源奴子仍下峽路至天都側從流石蛇行而上攀草牽棘石塊叢起則歷塊石崖側削則援崖每至手足無可着處澄源必先登垂接每念上旣如此下何以堪終亦不顧歷

險數次遂達峰頂惟一石頂壁起猶數十丈澄源爭視其側
得級挾予以登萬峰無不下伏獨蓮花與抗耳時濃霧半作
半止每一陣至則對面不見眺蓮花諸峰多在霧中獨上天
都子至其前則霧徙於後予越其右則霧出於左其松猶有
曲挺縱橫者栢雖大幹如臂無不平貼石上如苔蘚然山高
風鉅霧氣去來無定下盼諸峰時出爲碧嶠時沒爲銀海再
眺山下則日光晶晶別一區宇也日漸暮遂前其足手向後
據地坐而下脫至險絕處澄源併肩手相接度險下至山坳
暝色已合復從峽度棧以上止文殊院

初五日平明從天都峰均中北下三里石壁呀然其下蓮花

遊記 一册上
黃山後

三十

洞正與前坑石笋對峙一塢幽然別澄源下山至前歧路側
向蓮花峰而趨一路沿危壁西行凡再降升將下百步雲梯
有路可直躋蓮花峰旣陟而登絕疑而復下隔峰一僧高呼
曰此正蓮花道也乃從石坡側度石隙徑小而峻峰頂皆巨
石鼎峙中空如室從其中疊級而上級窮洞轉屈曲奇詭如
下上樓閣中忘其峻出天表也六里得茅廬倚石罅中方徘徊
欲升則前呼道之僧至矣僧號凌虛結茅於此者遂與把
臂陟頂頂上一石懸隔二丈僧取梯以度其巔廓然四望空
碧卽天都亦俯首矣蓋是峰居黃山之中獨出諸峰上四面
巖壁環聳遇朝陽霽色鮮映層發令人狂叫欲舞久之返茅

菴凌虛出粥相餉啜一盂乃下至岐路側過大悲頂上天門
三里至煉丹臺循臺嘴而下觀玉屏風三海門諸峰悉從深
塢中壁立起其丹臺一岡中垂頗無奇峻惟瞰翠微之背塢
中峰巒錯聳上下周映非此不盡瞻眺之奇耳還過平天石
下後海入智空菴別焉三里下獅子林趨石笋石至向年所
登尖峰上倚松而坐瞰塢中峰石迴攢藻績滿眼始覺匡廬
石門或具一體或缺一面不若此之閎博富麗也久之正接
引崖下眺塢中陰陰覺霧興復至岡上尖峰側踐流石援棘
草隨坑而下愈下愈深諸峰自相掩蔽不能一目盡也日暮
返獅子林

遊記

一册上
黃山後

三十一

初六日別霞光從山坑向丞相原下七里至白沙嶺霞光復
至因余欲觀牌樓石恐白沙菴無指者追來爲導遂同上嶺
指嶺右隔坡有石叢立下分上並卽牌樓石也余欲逾坑澗
澗直造其下僧謂棘迷路絕必不能行若從坑直下丞相原
不必復上此嶺若欲從仙燈而往不若卽由此嶺東向余從
之循嶺脊行嶺橫亘天都蓮花之北狹甚旁不容足南北皆
崇峰夾映嶺盡北下仰瞻右峰羅漢石圓頭禿頂儼然二僧
也下至坑中逾澗以上共四里登仙燈洞洞南向正對天都
之陰僧架閣連板於外而內猶穹然天趣未盡刊也復南下
三里過丞相原山間一夾地耳其菴頗整四顧無奇竟不入

復南向循山腰行五里漸下澗中泉聲沸然從石間九級下
瀉每級一下有潭淵碧所謂九龍潭也黃山無懸流飛瀑惟
此耳又下五里過苦竹灘轉循太平縣路向東北行

遊九鯉湖日記

福建興化府仙遊縣

浙閩之遊舊矣余志在蜀之峩嶺粵之桂林及太華恆岳諸
山若羅浮衡岳次也至越之五泄閩之九漈又次也然蜀廣
關中母老道遠未能卒遊衡湘可以假道不必專遊計其近
者莫若由江郎三石抵九漈遂以庚申午節後一日期芳若
叔父啟行正楓亭荔枝新熟時也

二十三日始過江山之青湖山漸合東支多危峰峭壁西伏

遊記

一册上
九鯉湖

三十一

不起懸望東支盡處其南一峰特聳摩雲插天勢欲飛動間
之卽江郎山也望而趨二十里過石門街漸趨漸近忽裂而
爲二轉而爲三已復半岐其首根直剖下迫之則又上銳下
斂若斷而復連者移步換形與雲同幻矣夫雁宕靈峰黃山
石筍森立峭拔已爲詭觀然俱在深谷中諸峰互相掩映反
失其奇卽縉雲鼎湖穹然獨起勢更偉峻但步虛山卽時於
芻各不相降遠望若與爲一不若此峰特出衆山之上自爲
變幻而各盡其奇也

六月初七日抵興化府

初八日出莆郡西門西北行五里登嶺四十里至莒溪降陟

不啻數嶺矣。苕溪卽九深下流過苕溪公館二里，由石上步過溪又二里，一側徑西向山岫，北復有一磴可轉上山，時山深日酷，路絕人行，迷不知所往。余意鯉湖之水歷九深而下，上躋必有奇境，遂趨石磴道，芳叔與奴輩憚高陟，皆以爲悞。頃之境漸寒，彼益以爲悞，而余行益勵，旣而愈上，愈高，杳無所極，烈日鑠鑠，余亦自苦倦矣。數里躋嶺頭，以爲絕頂也，轉而西山之上，高峰復有倍此者，循山屈曲行三里，平疇蕩蕩，正似武陵悞入，不復知在萬峰頂上也。中道有亭，西來爲仙遊道，東卽余所行，南過通仙橋，越小嶺而下，爲公館，爲鐘鼓樓之蓬萊石，則雷轟深在焉。澗出蓬萊石，斲其底石平如礪。

遊記 一册上
九鯉湖

三十三

水漫流石面，勻如鋪穀，少下而平者多窪，其間圓穴爲竈，爲臼，爲樽，爲井，皆以丹名。九仙之遺也。平流至此，忽下墮湖中，如萬馬初發，誠有雷霆之勢。則第一深之奇也。九仙祠卽時，其西前臨鯉湖，湖不甚浩蕩，而澄碧一泓於萬山之上，圍青漾翠，造物之醞靈亦異矣。祠右有石鼓、元珠、古梅洞，諸勝。梅洞在祠側，駕大石而成者，有罅成門，透而上，舊有九仙閣，祠前舊有水晶宮，今俱圯。當祠而隔湖下墜，則二深至九深之水也。余循湖右行，已至第三深，急與芳叔返，曰：今夕當淡神，休力靜晤。九仙勞心目，以奇勝，且俟明日也。返祠，往蓬萊石，跣足步澗中，石瀨平曠，清流輕淺，千洲三島，竟褰衣而涉也。

晚坐祠前新月正懸峰頂俯挹平湖神情俱朗靜中風颯時
觸雷濤聲是夜祈夢祠中

初九日辭九仙下窮九濬九濬去鯉湖且數里三濬而下久
已道絕數月前莆田祭酒堯俞令陸善開復鳥道直通九濬
出莒溪悔昨不由側徑溯濬而上乃紆從大道坐失此奇遂
束裝改途竟出九濬瀑布爲第二濬在湖之南正與九仙祠
相對湖窮而水由此飛墮深峽峽石如筭兩崖壁立萬仞水
初出湖爲石所扼勢不得出怒從空墜飛噴衝激水石各極
雄觀再下爲第三濬之珠簾泉景與瀑布同右崖有亭曰觀
瀾一石曰天然坐亦有亭覆之從此上下嶺澗盤折峽中峽

遊記一冊上
九鯉湖

三十四

壁上覆下寬珠簾之水從正面墜下玉筍之水從旁灑沸溢
兩泉並懸峽壁下削鐵障四圍上與天並玉龍雙舞下極潭
際潭水深泓激碧雖小於鯉湖而峻壁環鎖瀑流交映集奇
撮勝惟此爲最所謂第四濬也初至澗底芳叔急於出峽坐
視峽口不復入余獨緣澗石而進踞潭邊石上仰視雙瀑從
空天矯崖石上覆如甕口旭日正在崖端與頽波突浪掩暈
流輝俯仰應接不能舍去循澗復下忽兩峽削起一水斜迴
澗右之路已窮左望有木板飛架危磯斷磴間亂流而渡可
以攀躋遂涉澗從左則五濬之石門矣兩崖至是壁奏僅容
一線欲合不合欲開不開下湧奔泉上碍雲影人緣陟其間

如獮猿然。陰風吹之，凜凜欲墮。蓋自四溱來，山深路絕，幽峭已極。惟聞泉聲鳥語耳。出五溱，山勢漸開，澗右危嶂屏列。左則飛鳳峰，廻翔對之。亂流遶其下，或爲澄潭，或爲倒峽。若六溱之五星，七溱之飛鳳，八溱之棋盤石，九溱之將軍巖，皆次第得名矣。然一帶雲蒸霞蔚，得趣故在山水中。豈必刻迹而求乎？蓋水乘峽展，旣得自恣，其崩崖殞石，斜插爲巖，橫架爲室，層疊成樓，屈曲成洞，懸則瀑環，則流瀦，則泉皆可坐可臥，可倚，可濯，蔭竹木而弄雲烟數里之間，目不能移足，不能前者竟日，每下一處，見有別穴，必穿巖通隙而入，曲達旁蹠，不可一境窮也。若水之或懸，或滄，或翼飛，疊注，卽匡廬三疊雁宕龍湫，各以一長擅勝，未若此山微體皆具也。出九溱，沿澗依山轉，東向五里，始有耕雲樵石之家。然見人至，未有不驚訝者。又五里至莒溪之石步，出向道。

初十日，過蒜嶺驛，至榆溪，聞橫路驛西十里，有石所山巖石最勝，亦爲九仙祈夢所。聞有春遊石所秋遊鯉湖語，雖未合其時，然不可失之交臂也。乘輿遂行，以橫路去，此尙十五里，乃宿榆溪。

十一日，至波黎鋪，卽從小路爲石所遊，西向山五里，越一小嶺，又五里，渡溪，卽石所南麓，循麓西轉，卽見峰頂叢崖如攢如甃，西北行久之，有樓傍山西向，乃登山道也。石磴頗峻，遂

短衣歷級而上。磴路曲折。木石陰翳。虬枝老藤。盤結危石。欹崖之上。啼猿上下。應答不絕。忽有亭突踞危石。拔迥凌虛。無與爲對。亭當山之半。再折石級。巍然直上。級窮則飛巖簷覆。垂半空。再上。兩折入石洞側門。出卽九仙閣。軒敞雅潔。左爲僧廬。俱倚山凌空。可徙倚憑眺。閣後五六峭峰。離立高。皆數十丈。每峰各去二三尺。峰罅石壁如削。成路屈曲罅中。可透漏。各峰之頂。松偃藤延。縱目成勝。僧供茗芳逸。山所產也。側徑下。至垂巖路。左更有一徑。余曰。此必有異。從之。果一石洞。嵌空立。穿洞而下。卽至半山亭。下山出橫路而返。是遊也。爲日六十有三。歷省二。經縣十九。府十一。遊名山者三。

遊記 一册上
九鯉湖

三十六

裔孫 熙海南校字

遊記第一冊下

江陰徐宏祖霞客著

子別姓李

寄介立 輯

季夢良會明編

後學陶廷梅鼎燮

重校

同邑

楊名時凝齋閣

族孫徐 鎮筠峪

遊嵩山日記

河南河南府登封縣

余髫年蓄五岳志而元岳出五岳上慕尤切久擬歷襄鄖捫太華由劍閣連雲棧爲褰眉先導而母老志移不得不先事太和猶屬有方之遊第沿江沂流曠日持久不若陸行舟返爲時較速乃陸行汝鄧間路與陝汴畧相當可以兼盡嵩華朝宗太岳遂以癸亥仲春朔策從嵩岳道始凡十九日抵

遊記 一冊下

嵩山

一

河南鄭州之黃宗店由店右登石坡看聖僧池清泉一涵停碧山半山下深澗交疊澗無滴水下坡行澗底隨香爐山曲折南行山形三尖橫立如覆鼎衆山環之秀色媚媚媚人澗底亂石一壑作紫玉色兩崖石壁宛轉色較纈澗想清流汪注時噴珠洩黛當更何如也十里登石佛嶺又五里入審縣界望嵩山尙在六十里外從岐路東南二十五里過密縣抵天仙院院祀天仙黃帝之三女也白松在祠後中庭相傳三女蛻骨其下松大四人抱一本三幹鼎聳霄漢膚如凝脂潔逾傳粉蟠枝虬曲綠鬣舞風昂然玉立半空洵奇觀也周以石欄一軒臨北軒中題咏絕盛徘徊久之下觀滴水澗至此

忽下跌一崖上覆水滴歷其下還窸仍抵西門三十五里入
登封界曰耿店南向爲石淙道遂稅駕焉

二十日從小徑南行二十五里皆土岡亂壘久之得一溪渡
溪南行岡脊中下瞰則石淙在望矣余入自大梁平衍廣漠
古稱陸海地以得泉爲難泉以得石尤難近嵩始睹蜿蜒衆
峰於是北流有景須諸溪南流有潁水然皆盤伏土積中獨
登封東南三十里爲石淙乃嵩山東谷之流將下入於潁一
路陂陀屈曲水皆行地中至此忽逢怒石石立崇岡山峽間
有當關扼險之勢水沁入脇下從此水石融和綺變萬端蓮
水之兩崖則爲鶴立爲雁行踞中央者則爲飲兕爲臥虎低

遊記一冊下
嵩山

二

則嶼高則臺愈高則石之去水也愈遠乃又空其中而爲窟
爲洞揆崖之隔以尋尺計竟水之過以數丈計水行其中石
峙於上爲態爲色爲膚爲骨極無不備不意黃茅白葦中頓
令人一洗塵目也登隴西行十里爲告成鎮古告成縣地測
景臺在其北西北行二十五里爲岳廟入東華門時日已下
春余心艷盧巖卽從廟東北循山行越陂陀數重十里轉而
入山得盧巖寺寺外數武卽有流鏗然下墜石峽中兩旁峽
色氤氳成霞溯流造寺後峽底矗崖環如半規上覆下削飛
泉墮空而下舞綃曳練霏微散滿一谷可當武彘之水簾蓋
此中以得水爲奇而水復得石石復能助水不尼水又能令

水飛行則比武彘爲尤勝也徘徊其下僧梵音以茶點餽急返岳廟已昏黑

三十一日晨謁岳帝出殿東向太室絕頂按嵩當天地之中祀秩爲五岳首故稱嵩高與少室並峙下多洞窟故又名太室兩室相望如雙眉然少室嶙峋而太室雄厲稱尊儼若負展百翠微以上連崖橫亘列者如屏展者如旗故更覺巖巖崇封始自上古漢武以嵩呼之異特加祀邑宋時逼近京畿典禮大備至今絕頂猶傳鐵梁橋避暑寨之名當盛之時固可想見矣太室東南一支曰黃蓋峰峰下卽岳廟規制宏壯庭中碑石矗立皆宋遼以來者登岳正道乃在萬歲峰下當

遊記 一册下
嵩山

三

太室正南余昨趨盧巖時先過東峰道中見峰巒秀出中裂如門或指爲金峰玉女溝從此亦有路登頂乃覓樵預期爲導今遂從此上近秀出處路漸折避之險絕不能徑越也北就土山一縷僅容攀躋約二十里遂越東峰已轉出裂門之上西度狹脊望絕頂行是日濃雲如潑墨余不爲止至是嵐氣愈沉稍開則下瞰絕壁重崖如列綃削玉合則如行大海中五里抵天門上下皆石崖重疊路多積雪導者指峻絕處爲大鐵梁橋折而西又三里遶峰南下得登高巖凡巖幽者多不暢暢者又少廻藏映帶之致此巖上倚層崖下臨絕壑洞門重巒擁護左右環倚臺嶂初入有洞呀然洞壁斜透穿

行數武崖忽中斷五尺莫可着趾導者故老樵猿捷如猿猴側身躍過對崖取木二枝橫架爲閣道旣度則巖穹然上覆中有乳泉丹竈石榻諸勝從巖側躋而上更得一臺三面懸絕壑中導者曰下可瞰登封遠及箕穎時濃霧四塞都無所見出巖轉北二里得白鶴觀址址在山坪去險就夷孤松森立有曠致又北上三里始躋絕頂有真武廟三楹側一井甚瑩曰御井宋眞宗避暑所濬也飯真武廟中問下山道導者曰正道從萬歲峰抵麓二十里若從西溝懸溜而下可省其半然路極險峻余色喜謂嵩無奇以無險耳亟從之遂策杖前始猶依巖凌石披叢條以降旣而從兩石峽溜中直下仰望夾崖逼天先是峰頂霧滴如雨至此漸開景亦漸竒然皆垂溝脫磴無論不能行且不能止愈下崖勢愈壯一峽窮復轉一峽吾目不使旁瞬吾足不容求息也如是十里始出峽抵平地得正道過無極河西越嶺趨草莽中五里得法皇寺寺有金蓮花爲特產他處所無山雨忽來遂借榻僧寮其東石峰夾峙每月初生正從峽中出所稱嵩門待月也計余所下之峽卽在其上今坐對之祇覺雲氣出沒安知身自此中來也

二十二日出山東行五里抵嵩陽宮廢址惟三將軍栢鬱然如山漢所封也大者圍七人中者五小者三栢之北有室三

楹祠二程先生栢之西有舊殿石柱一大半沒於土上多栢
人題名可辨者爲范陽祖無擇上谷寇武仲及蘇才翁數人
而已栢之西南確碑傑然四面刻蛟螭甚精右則爲唐碑裴
迥撰文徐浩八分書也又東二里過崇福宮故址又名萬壽
宮爲宋宰相提點處又東爲敬母石大如數間屋側有一平
石如砥又東八里還飯岳廟看宋元碑西八里入登封縣西
五里從小徑西北行又五里入會善寺茶樹在其西小軒內
元刻也後有一石碑仆墻下爲唐貞元戒壇記汝州刺史陸
長源撰文河南陸郢書又西爲戒壇廢址石上刻鏤極精工
俱斷委草礫西南行五里出大路又十里至郭店折而西南

遊記一册下

嵩山

五

爲少林道五里入寺宿瑞光上人房

二十三日雲氣俱盡入正殿禮佛昇登南寨南寨者少室絕
頂高與太室等而峰巒峭拔負九鼎蓮花之名俯環其後者
爲九乳峰蜿蜒東接太室其陰則少林寺在焉寺甚整麗庭
中新舊碑森列成行俱完善夾堦二松高偉而整如有尺度
少室橫峙於前仰不能見頂遊者如面牆而立輒謂少室以
遠勝余昨暮入寺卽問少室道俱謂雪深道絕必無往凡登
山以晴朗爲佳余登太室雲氣瀰漫或以爲仙靈見拒不知
此山魁梧正須止露半面若少室工於掩映雖微雲豈宜點
澤今則霽甚適逢其會烏可阻也乃從寺南渡澗登山六七

里得一祖菴山至此忽截然土盡而石石崖下墜成坑坑半有泉突石飛下亦以珠簾名之余策杖獨前愈下愈不得路久之乃達其巖雄拓不如盧巖而深峭過之巖下深潭泓碧僵雪四積再上至煉丹臺三面孤懸斜倚翠壁有亭曰小有天探幽之屐從未有抵此者過此皆從石脊仰攀直躋兩旁危崖萬仞石脊懸其間殆無寸土手與足代置而後得升凡七里始躋大峰峰勢寬行向之危石又鬱然忽盡爲土從草棘中莽莽南上約五里遂凌南寨頂屏翳之士始盡南寨實小室北頂自少林言之爲南寨云蓋其頂中裂橫界南北北頂若展屏南頂列戟峙其前相去僅尋丈中爲深崖直下如

遊記 一册下
嵩山

六

剖兩崖夾中坑底特起一峰高出諸峰上所謂摘星臺也爲小室中央絕頂與北崖離倚彼此斬絕不可度俯矚其下一絲相屬余解衣從之登其上則南頂之九峰森立於前北頂之半壁橫障於後東西皆深坑俯不見底罡風乍至幾假翰飛去從南寨東北轉下土山忽見虎跡大如升草莽中行五六里得茅菴擊石炊所攜米爲粥啜三四碗飢渴霍然去倩菴僧爲引龍潭道下一峰峰脊漸窄土石間出棘蔓翳之懸枝以行忽石削萬丈勢不可度轉而上躋望峰勢蜿蜒處極下而石削復如前往復不啻數里乃迂過一峽又五里而道出則龍潭溝也仰望前途路處危崖嵌石俱在萬仞峭壁上

流泉噴薄其中崖石之陰森巖巖者俱散成霞綺映夾澗轉
兩崖靜室如蜂房燕壘凡五里一龍潭沉涵凝碧深不可規
以丈又經二龍潭遂出峽宿少林寺

二十四日從寺西北行過甘露臺又過初祖菴北四里上五
乳峰探初祖洞洞深二丈闊殺之達磨九年面壁處也洞門
下臨寺面對少室地無泉故無棲者下至初祖菴菴中供達
磨影石石高不及三尺白質黑章儼然西僧立像中殿六祖
手植柏大已三人圍碑言自廣東置鉢中攜至者爽塤二松
亞少林少林松栢俱修偉不似岳廟偃仆盤曲此松亦然下
至甘露臺土阜矗起上有藏經殿下臺歷殿三重碑碣散布
目不暇接後爲千佛殿雄麗罕匹出飯瑞光上人舍策騎趨
登封道過轅轅嶺宿大屯

遊記 一册下
嵩山

七

二十五日西南行五十里山岡忽斷卽伊闕也伊水南來經
其下深可浮數石舟伊闕連岡東西橫亘水上編木橋之渡
而西崖更危聳一山皆劈爲崖滿崖鐫佛其上大洞數十高
皆數十丈大洞外峭崖直入山頂頂俱刊小洞洞俱用佛其
內雖尺寸之膚無不滿者望之不可數計洞左泉自山流下
滙爲方池餘瀉入伊川山高不及百丈而清流淙淙不絕爲
此地所難伊闕摩肩接轂爲楚豫大道西北歷關陝余由此

取西岳道去

二月晦入潼關三十五里乃稅駕西岳廟黃河從朔漠南下至潼關折而東關正當河山隘口北瞰河流南連華岳惟此一線爲東西大道以百雉鎖之舍此而北必渡黃河南必趨武關而華岳以南峭壁層崖無可度者未入關百里外卽見太華峴出雲表及入關反爲岡隴所蔽行二十里忽卽見芙蓉片片已直造其下不特三峰秀絕而東西擁攢諸峰俱片削層懸惟北面時有土岡至此盡脫山骨競發爲極勝處

三月初一日入謁西岳神登萬壽閣向岳南趨十五里入雲臺觀覓導於十方菴由峪口入兩崖壁立一溪中出玉泉院

遊記

一册下

太華

八

當其左循溪隨磔行十里爲莎蘿宮路始峻又十里爲青柯坪路少坦五里過寥陽橋路遂絕攀鎖上千尺幢再上百尺峽從崖左轉上老君翠溝過猢猻嶺去青柯五里有峰北懸深崖中三面絕壁則白雲峰也捨之南上蒼龍嶺過日月巖去翠溝又五里始上三峰足望東峰側而上謁玉女祠入迎陽洞道士李姓者留余宿乃以餘晷上東峰昏返洞

初二日從南峰北麓上峰頂懸南崖而下觀避靜處復上直躋峰絕頂上有小孔道士指爲仰天池旁有黑龍潭從西下復上西峰峰上石聳起有石片覆其上如荷葉旁有玉井甚深以閣掩其上不知何故還飯於迎陽上東峰懸南崖而下

一小臺峙絕壑中是爲棋盤臺既上別道士從舊徑下觀白雲峰聖母殿在焉下至莎蘿坪暮色逼人急出谷黑行三里宿十方菴出青柯坪左上有柘渡菴毛女洞出莎蘿坪右上有上方峰皆華之支峰也路俱峭削以日暮不及登。

初三日行十五里入岳廟西五里出華陰西門從小徑西南二十里入泓峪卽華山之西第三峪也兩崖參天而起夾立甚隘水奔流其間循澗南行倏而東折倏而西轉蓋山壁片削俱犬牙錯入行從牙礮中宛轉如江行調艖然二十里宿於木柸自岳廟來四十五里矣。

初四日行十里山峪旣窮遂上泓嶺千里躡其巔北望太華

遊記一册下

太華

九

兀立天表東瞻一峰巒巖特異土人云賽華山始悟西南三十里有少華卽此山矣南下十里有溪從東南注西北是爲華陽川溯川東行十里南登秦嶺爲華陽洛南界上下共五里又十里爲黃螺鋪循溪東南下三十里抵楊氏城。

初五日行二十里出石門山始開又七里折而東南入隔凡峪西南二十里卽洛南縣峪東南三里越嶺行峪中十里出山則洛水自西而東卽河南所渡之上流也渡洛復上嶺曰田家原五里下峪中有水自南來入洛湖之入十五里爲景邨山復開始見稻畦過此仍溯流入南峪南行五里至草樹溝山空日暮借宿山家自岳廟至木柸俱西南行過華陽川

則東南矣華陽而南溪漸大山漸開然對面之峰崢嶸也下秦嶺至楊氏城兩崖忽開忽合一時互見又不比木柘峪中兩崖壁立有廻曲無開合也

初六日越嶺兩重凡二十五里飯塢底岔其西行道卽向洛南者又東南十里入商州界去洛南七十餘里矣又二十五里上倉龍嶺蜿蜒行嶺上兩溪屈曲夾之五里下嶺兩溪適合隨溪行老君峪中十里暮雨忽至投宿於峪口

初七日行五里出峪大溪自西注於東循之行十里龍駒寨寨東去武關九十里西向商州卽陝省間道馬騾商貨不讓潼關道中溪下板船可勝五石舟水自商州西至此經武關之南歷胡邨至小江口入漢者也遂趨覓舟甫定雨大注終日不休舟不行

遊記一册下

太華

十

初八日舟子以販鹽故久乃行雨後怒溪如奔馬兩山夾之曲折縈廻轟雷入地之險與建溪無異已而雨復至午抵影石灘雨大作遂泊於小影石灘

初九日行四十里過龍關五十里北一溪來注則武關之流也其地北去武關四十里蓋商州南境矣時浮雲已盡麗日乘空山嵐重疊競秀怒流送舟兩岸濃桃艷李泛光欲舞出坐船頭不覺欲仙也又八十里日纔下午榜人以所帶鹽化遷柴竹屢止不進夜宿於山涯之下

初十日五十里下蓮灘大浪撲入舟中傾囊倒篋無不沾濡
二十里過百姓灘有峰突立溪右崖爲水所摧岌岌欲墮出
蜀西樓山峽少開已入南陽浙川境爲秦豫界三十里過胡
鄉四十里抵石廟灣登涯投店東南去均州上太和蓋一百
三十里云

遊太和山日記

湖廣襄陽府均州

十一日登仙猿嶺十里餘有枯溪小橋爲鄖縣境乃河南湖
廣界東五里有池一泓曰青泉上源不見所自來而下流淙
淙地又屬浙川蓋二縣界址相錯依山豁曲折路經其間故
也五里越一小嶺仍爲鄖縣境嶺下有玉皇觀龍潭寺一溪

遊記一冊下

太和

十一

滔滔自西南走東北蓋自鄖中來者渡溪南上九里岡經其
脊而下爲蟠桃嶺溯溪行塢中十里爲葛九溝又十里登土
地嶺嶺南則均州境自此連逾山嶺桃李繽紛山花夾道幽
艷異常山塢之中居廬相望沿流稻畦高下鱗次不似山陝
間矣但途中蹊徑狹行人稀且聞虎暴日方下春竟止塢中
曹家店

十二日行五里上火龍嶺下嶺隨流出峽四十里下行頭岡
十五里抵紅粉渡漢水汪然西來涯下蒼壁懸空清流遶面
循漢東行抵均州靜樂宮當州之中踞城之半規製宏整停
行李於南城外定計明晨登山

十三日騎而南趨石道平敞三十里越一石梁有溪自西東注卽太和下流入漢者越橋爲迎恩宮西向前有禪大書第一山三字乃米襄陽筆書法飛動嘗亦第一又十里過草店襄陽來道亦至此合路漸西向過遇眞宮越兩隘下入塢中從此西行數里爲趨玉虛道南躋上嶺則走紫霄間道也登嶺自草店至此共十里爲回龍觀望岳頂青紫挿天然相去尙五十里滿山喬木夾道密布上下如行綠幕中從此沿山行下而復上共二十里過太子坡又下入塢中有石梁跨溪是爲九渡澗下流上爲平臺十八盤卽走紫霄登太和大道左入溪卽湖九渡澗向瓊臺觀及八仙羅公院諸路也峻登

遊記

一册下
太和

十二

十里則紫霄宮在焉紫霄前歸禹跡池背倚展旗峰層臺傑殿高敞特異入殿瞻謁由殿右上躋直造展旗峰之西峰畔有太子洞七星巖俱不暇問共五里過南巖之南天門舍之西度嶺謁榔仙祠祠與南巖對峙前有榔樹特大無寸膚赤幹聳立纖芽未發傍多榔樹亦高聳花色深淺如桃杏蒂垂絲作海棠狀梅與榔本山中兩種相傳元帝挿梅寄榔成此異種云共五里過虎頭巖又三里抵斜橋突峰懸崖屢屢而是徑多循峰隙上五里至三天門過朝天宮皆石級曲折上躋兩傍以鐵柱懸索由三天門而二天門一天門率取徑峰坳間懸級直上路雖陡峻而石級既整欄索鈎連不似華

山懸空飛度也。太和宮在三天門內。日將曠竭。力造金頂。所謂天柱峰也。山頂衆峰。皆如覆鐘。峙鼎。離離攢立。天柱中懸。獨出衆峰之表。四旁巖絕。峰頂平處。縱橫止及尋丈。金殿峙其上。中奉元帝及四將。爐案俱具。悉以金爲之。督以一千一。一提點。需索香金。不啻禦奪。余入叩匆匆。而門已闔。遂下宿太和宮。

十四日。更衣上金頂。瞻叩畢。天宇澄朗。下瞰諸峰。近者鶴峙。遠者羅列。誠天真奧區也。遂從三天門之右。小徑下峽中。此徑無級無索。亂峰離立。路穿其間。迴覺幽勝。三里餘。抵蠟燭峰。右泉涓涓溢出路旁。下爲蠟燭澗。循澗右行三里餘。峰隨

遊記一册下

太和

十三

山轉下。見平邱中。開爲上瓊臺。觀其旁。柳梅數株。大皆合抱。花色浮空。映山絢爛。巖際地旣幽絕。景復殊異。余求柳梅實。觀中道士。嚙不敢答。旣而曰。此係禁物。前有人攜出三四枚。道流株連破家者。數人。余不信。求之益力。出數枚畀余。皆已黝爛。且訂無令人知。及趨中瓊臺。余復求之。主觀仍辭謝弗有。因念由下瓊臺而出。可往玉虛巖。便失南巖紫霄。奈何得一失二。不若仍由舊徑上。至路旁泉溢處。左越蠟燭峰。去南巖應較近。忽後有追呼者。則中瓊臺小黃冠。以師命促余返。觀主握手曰。公渴求珍植。幸得兩枚。少慰公懷。但一洩於人。罪立至矣。出而視之。形侔金橘。漉以蜂蜜。液金相玉質。非凡品。

也。珍謝別去。復上三里餘。直造蠟燭峰。坳中。峰參差廉利。人影中度。兀兀欲動。旣度。循崖宛轉。連越數重。峰頭土石。往往隨地異色。旣而聞梵頌聲。則仰見峰頂。遙遙上懸。已出朝天宮右矣。仍上八里。造南巖之南。天門。趨謁正殿。右轉入殿後。崇崖嵌空。如懸廊。複道。蜿蜒山半。下臨無際。是名南巖。亦名紫霄巖。爲三十六巖之最。天柱峰正當其面。自巖還至殿左。歷級塢中。數抱松杉。連陰挺秀。層臺孤懸。高峰四眺。是名飛昇臺。暮返宮。賄其小徒。復得榔梅六枚。明日再索之。不可得矣。

十五日。從南天門宮左。趨雷公洞。洞在懸崖間。余欲返紫霄。

遊記一册下
太和

十四

由太子巖。歷不二菴。抵五龍輿者。謂迂曲不便。不若由南巖。下竹笆橋。可覽滴水巖。仙侶巖諸勝。乃從北天門下。一徑陰森。滴水仙侶二巖。俱在路左。飛崖上突。泉滴漚於中。中可容室。皆祠真武。至竹笆橋。始有流泉。聾然不隨澗行。乃依山越嶺。一路多突石危巖。間錯於亂葭叢翠中。時時放榔梅花。映耀。遠近。過白雲仙龜諸巖。共二十餘里。循級直下澗底。則青羊橋也。澗卽竹笆橋下流。兩崖蓊葱蔽日。清流延迴。橋跨其上。不知流之所去。仰視碧落。宛若甕口。度橋。直上攢天嶺。五里。抵五龍宮。規模與紫霄南巖相伯仲。殿後登山里許。轉入塢中。得自然菴。已還至殿右。折下塢中。二里。得凌虛巖。巖倚

重巒臨絕壑，面對桃源洞。諸山嘉木尤深密，紫翠之色，五映如圖畫。爲希夷習靜處，前有傳經臺，孤瞰壑中，可與飛昇作匹。還過殿左，登榔梅臺，卽下山至草店。華山四面皆石壁，故峰麓無喬枝異幹，直至峰頂，則松栢多合三人圍者，松悉五鬣，實大如蓮，間有未墮者，採食之，鮮香殊絕。太和則四山環抱，百里內密樹森羅，蔽日參天。至近山數十里內，則異杉老栢合三人抱者，連絡山塢，蓋國禁也。嵩少之間，平麓上至絕頂，樵伐無遺，獨三將軍樹巍然傑出耳。山谷川原，候同氣異，余出嵩少，始見麥畦青，至陝州，杏始花，椰色依依向人，入潼關，則驛路旣平，垂楊夾道，梨李參差矣。及轉入泓峪，而層

遊記

一冊下
閩

十五

水積雪，猶滿澗谷，眞春風所不度也。過塢底岔，復見杏花，出龍駒寨，桃雨柳烟，所在都有，忽憶日已清明，不勝景物悴情。遂自草店越二十四日，浴佛後一日抵家，以太和榔梅爲老母壽。

閩遊日記前

崇正改元戊辰之仲春，發興爲閩廣遊。二十日始成行，三月十一日抵江山之青湖，爲入閩登陸道。十五里出石門街，與江郎爲面，如故人再晤。十五里至峽口，已暮，又行十五里，宿於

山坑

十二日二十里登仙霞嶺，二十五里登丹楓嶺，嶺南卽福建

界又七里。西有路越嶺而來。乃江西永豐道去永豐尚八十里。循溪折而東八里。至梨嶺麓。四里。登其巔。前六里。宿於九

十三日。三十五里。過嶺。飯於仙陽。仙陽嶺不甚高。而山鵲麗日頗可愛。飯後得輿三十里。抵浦城。日未哺也。時道路俱傳泉與海盜爲便宜。由延平上永安。余亦久蓄玉華之興。遂覓延平舟。六十里。至武夷口。與崇安水合。又五十五里。又

十四日。舟發四十里。至觀前。舟子省家早泊。余遂過浮橋。循溪左。登金斗山。石磴修整。喬松艷草。幽襲人裾。過三亭。入元帝宮。由殿後登嶺。兀兀中懸。四山環拱。重流帶之。風烟欲曠。

遊記 一册下

閩

十六

步步惜別

十五日。辨色卽行。懸流鼓楫。一百二十里。泊水磯。風雨徹旦。溪喧如雷。

十六日。六十里。至雙溪口。與崇安水合。又五十五里。抵建寧郡。雨不止。

十七日。水漲數丈。同舟俱閣不行。上午得三板舟附之行。四里。太平驛四十里。大橫驛。過如飛鳥。三十里。黯淡灘。水勢奔湧。余昔遊鯉湖。過此。但見穹石峿峙。舟穿其間。初不謂險。今則白波山立。石悉沒形。險倍昔時。十里。至延平。里許。十八日。余以輕裝出。西門爲玉華洞遊。南渡溪。令奴攜行囊。

由沙縣上水至永安相待。余陸行四十里，渡沙溪而西，將樂之水從西來，沙縣之水從南來，至此合流，亦如延平之合建溪也。南折入山六十里，宿三連鋪，乃甌寧南平順昌三里縣界。

十九日，五里越白沙嶺，是爲順昌境。又二十五里，抵縣，縣臨水際，邵武之水從西來，通光澤歸化之水從南來，俱會城之東南隅，隔水望城如溪堤帶流也。循水南行三十里，至杜源，忽雪片如掌，十五里至將樂境，乃楊龜山故里也。又十五里爲高灘鋪，陰霾盡舒，碧空如濯，旭日耀芒，羣峰積雪，有如環玉。閩中以雪爲奇，得之春末爲尤奇。邨氓市媪俱曝日提爐。

遊記 一册下
閩

十七

而余赤足飛騰，良大快也。二十五里，宿於山澗渡之邨家。二十日，渡山澗，迺大溪，南行兩山成門曰莒峽，溪崖不受趾，循山腰行，十里出莒峽鋪，山始開。又十里入將樂，出南關，渡溪而南，東折入山，登滕嶺，南三里爲玉華洞道，先是過滕嶺，卽望東南兩峰聳立，翠壁鱗峒，迥與諸峰分形異色，抵其麓，一尾橫曳，迴護洞門，門在山均間，不甚軒豁，而森碧上交，清流出其下，不覺神骨俱冷。上半有明臺菴，洞後門所經，余時未飯，復出道左登嶺，石磴縈松透石三里，青芙蓉頓開，菴當其中，飯於菴，仍下至洞前門，覓善導者，乃碎斫松節置竹篋中，導者肩負之，手提鐵絡，置松燃火，燼輒益之，初入厯級而

下者數尺，卽流所從出也。溯流屈曲，度木板者數四，俟隘候穹，倏上倏下，石色或白或黃，石骨或懸或墜，惟荔枝柱，風湫燭幔，天帳，達摩渡江，仙人田，葡萄傘，仙鐘，仙鼓，最肖。沿流旣窮，懸級而上，是稱九重樓，遙望空濛，忽曙色欲來，所謂五更天也。至此最奇，恰與張公洞由暗而明者一致。蓋洞門斜啟，元朗映徹，猶未睹天碧也。從側嶺仰矚，得洞門一隙，直受圓明，其洞口由高而墜，弘含奇瑰，亦與張公同。第張公森懸詭麗者，俱羅於受明之處。此洞眩巧爭奇，遍布幽奧，而闢戶更拓，兩洞同異，正在伯仲間也。拾級上達洞頂，則穹崖削天，左右若青玉頰，膚實出張公所未備。下山卽爲田墜，四山環鎖。

遊記

一册下
閩

十八

水出無路，汨然中墜，蓋卽洞間之流，此所從入也。復登山半，過明臺菴，菴僧曰：是山石骨稜厲，透露處層層有削玉裁雲態，苦爲草樹所翳，故遊者知洞而不知墜，遂導余止拾烏道。

下披蒙茸，得星窟焉。三面削壁叢懸，下墜數丈，窟窈有野橘三株，垂實纍纍，從山腰右轉，二里，忽兩山交脊處，棘翳四塞，中有石登齒齒，縈迴於懸崖夾石間，仰望峰頂，一筍森森，獨秀，遂由洞後穹崖之上，再歷石門，下浴菴中宿焉。廿五日，仍至將樂南門，取永安道，卽過黃巖，黃巖道，卽過二十四日，始至永安舟，奴猶未至。廿五日，坐待奴於永安旅舍，乃市順昌酒，浮白樓下，忽呼

聲不絕則延平奴也遂定明日早行計
二十六日循城溯溪東南二十里轉而南二十五里發大泄
巖岩巒行雲霧中如是十五里得平坂曰林田時方下午雨
大竟止林田有兩溪自南來東渾赤如血西則一川含綠至
此合流自來冷泉

二十七日溯赤溪行久之捨赤溪溯澄溪共二十里渡坑源
土下橋登馬山嶺轉上轉高霧亦轉重正如昨登大泄嶺時
也五里透其巔爲寧洋界下五里飯於嶺頭時旭日將中萬
峰若引鏡照面回望上嶺已不可睹而下方衆岫駢列無不
獻形履下蓋馬山絕頂峰巒自相虧蔽至此始廓然爲南標

遊記 一册下

十九

詢之士人寧洋未設縣時此猶屬永安今則嶺北水俱北者
屬延平嶺南水俱南者屬漳州隨山奠川固當如此建置也
其地南去寧洋三十里西爲本郡之龍巖東爲延平之大田
云下山十里始從坑行渡溪橋而南小溪遂東去逾嶺復隨
西來小溪南行二十里抵寧洋東郭遠城北而西則前之大
溪經城南來恰與小溪會始勝舟

二十八日將南下傳盜警舟不發者兩日

四月初一日平明舟始前溪從山峽中懸流南下十餘里一
峰突而西橫絕溪間水避而西復從東折勢如建瓴曰石嘴
灘亂石叢立中開一門僅容舟舟從門墜高下文餘餘勢屈

曲復高下數丈，較之黠淡諸灘，大小雖殊，懸險更倍之也。衆舟至此，俱鱗次以下，每下一舟，舟中人登岸，共以纜前後倒曳之，須時乃放過。此山峽危逼，複嶂挿天，曲折破壁而下，真如劈翠穿雲也。三十里，過館頭，爲漳平界。一峰又東突，流復環東西折，曰潛水灘。峰連嶂合，飛濤一縷，直舟從雲漢身挾龍湫矣。已而山勢少開，二十餘里，爲石壁灘。其石自南而突，與流相扼，流不爲却，搗擊之勢險與石嘴潛水而三也。下此有溪自東北來，合而下，夾溪復自東北來，合，溪流遂大，勢亦平。又東三十里，則漳平縣也。寧洋之溪懸溜迅急，十倍建溪。蓋浦城至閩安入海八百餘里，寧洋至海澄入海止三百餘

遊記 一冊下
閩

二十

里，程愈迫，則流愈急，况梨嶺下至延平，不及五百里，而延平上至馬嶺，不及四百而峻，是二嶺之高，伯仲也。其高旣均，而入海則減，雷轟入地之險，宜咏於此。其來合巖，淵澗入，其來初二日，下華封舟，行數里，山勢復合，重灘疊溜，若建溪之太平黠淡者，不勝數也。六十里，抵華封北溪，至此皆從石脊懸瀉，舟楫不能過，遂捨舟逾嶺，凡水惟濫觴之始，不能浮槎，若旣通而下流，反阻者，止黃河之三門集津，舟不能上下。然漢唐挽漕，纜跡猶存，未若華封自古及今，竟無問津之賫，擬沿流窮其險處，而居人惟知逾嶺，無能爲導。

初三日，登嶺十里，至嶺巔，則溪水復自西來，下循山麓，俯瞰

祇一衣帶水耳。又五里，則墮然直下。又二里，抵溪，舟行八十里，至西溪西南陸行三十里，卽漳郡順流東南二十里，爲江東渡，乃興泉東來驛道也。又順流六十里，則出海澄入海焉。初四日，輿行二十里，入漳之北門，訪叔司理，則署印南靖，去郡三十里，遂雨中出南門，下夜船往南靖。官署森森，其署初五日，曉達南靖，以溯流迂曲也。溪自南平來，至南靖六十里，勢與西溪同其浩蕩。經漳郡南門，亦至海澄入海。不知漳之得名，兩溪誰執牛耳也。

廿日閩遊日記

後

自至短林，至廿日，始獲惠，惠平不覺。

庚午春，漳州司理叔促赴署，余擬是年暫止遊屐，而漳南之

遊記

一册下
閩後

二十一

使絡繹於道，叔祖念我翁，高年冒暑，坐促於家，遂以七月十七日啟行。二十一日至武林，二十四日渡錢唐波平不毅，如履平地。二十八日至龍遊，覓得青湖舟，去衢尚二十里，泊於樟樹潭。西對樹其奇，東臨潭，潭水至清，入潭不覺。三十日，過江山，抵青湖，乃舍舟登陸，循溪覓勝，得石崖於北渚，崖踞廻瀾，澄潭漱其址，隙綴茂樹，石色青碧，森森有芙蓉出水態，僧結檻依之，頗覺幽勝。余踞坐石上，有劉對予者，一見如故，因爲余言江山北二十里，有左坑巖，石奇詭，探幽之屐，不可不一過。余欣然，返寓已下午，不成行。南二十里，八月初一日，冒雨行三十里，一路望江，即片石咫尺不可見。

先擬登其下。比至路口，不果。越山坑嶺，宿於寶安橋。

初二日，登仙霞。越小竿嶺，近霧已收，惟遠峰漫不可見。又十里，飯於二十八都。其地東南有浮蓋山，跨浙閩江西三省。衢處信寧四府之境，危峙仙霞翠嶺間，爲諸峰冠。楓嶺西垂，畢嶺東障，梨嶺則其南案也。怪石孑雲，飛霞削翠，余每南過小竿，北逾梨嶺，遙瞻丰采，輒爲神往。旣飯，興不能遏，徧詢登山道。一牧人言，由丹楓嶺而上，爲大道而遠，由二十八都溪橋之左，越嶺，經白花巖，上道小而近。余聞白花巖益喜，卽迂道且趨之。况其近也，遂越橋南行數十步，卽由左小路登嶺。三里下嶺，折而南渡一溪，又三里，轉入南塢，卽浮蓋山北麓。邨

遊記 一册下
閩後

二二三

也。分溪錯嶺，竹木清幽。里號金竹云，度木橋，由業紙者籬門入，取小級而登。初皆田畦，高壘漸漸直躋危崖，又五里，大石磊落，棋置星羅，松竹與石爭隙，已入勝地。竹深石轉，中峙一菴，卽白花巖也。僧指其後山絕頂，巒石甚奇。菴之右岡環轉而左，爲裏山菴。由裏山越高岡兩重，轉下山之陽，則大寺也。右有梨尖頂，左有石龍洞，前瞰梨嶺，可俯而挾矣。余乃從其右。二里，憩裏山菴。裏山至大寺約七里，路小而峻，先躋一岡，約二里，岡勢北垂，越其東塢，下水皆東流，卽浦城界。又南上一里，越一岡，循其左而上，是謂獅峰。霧重路塞，捨之，逾岡西下，復轉南上。二里，又越一岡，其左亦可上獅峰，右卽可登龍

洞頂乃南向直下約二里抵大寺石痕竹影白花巖正得其
具體而峰巒環列此真獨勝兩阻寺中者兩日其間
初四日冒雨爲龍洞遊同導僧砍木通道攀亂磧而上霧滃
棘鈿芾石籠崖瘴惡如奇鬼穿簇透峽窈窕者益之詭而藏
其險吼噪者益之險而欲其高如是二里樹底晚峭崿攀踞
其內右有夾壁離立僅尺上下如一似所謂一線天者不知
其卽通頂所由也乃蕪火篝燈匍匐入一罅鏗夾立而高亦
如外之一線天第外則頂開而明此則上合而暗初入其合
處猶通竅一二深入則全黑矣其下水流沙底濡足而平中
道有片石如舌上吐直豎夾中高僅三尺兩旁貼於洞壁洞

遊記

一册下
閩後

二十三

既束肩石復當胸無可攀躑逾之甚艱再入兩壁愈夾肩不
能容側身而進又有石片如前阻其隘口高更倍之余不能
登導僧援之既登僧復不能下脫衣宛轉久之乃下余猶側
佇石上亦脫衣奮力僧從石下掖之遂得入其內壁少舒可
平肩水較泓深所稱龍池也仰睇其上高不見頂而石龍從
夾壁盡處懸崖直下洞中石色皆赭黃而此石獨白石理猶
礪成鱗甲遂以龍神之挑燈遍矚而出石隘處上逼下礙入
時自上懸身而墜其勢猶順出則自下側身以透胸與背既
貼切於兩壁而膝復不能屈俯石質刺膚前後莫可懸接每
度一人急之愈固幾恐其與石爲一也既出歡若更生而嵐

氣忽澄登霄在望。由明峽前行。菱菴開荆不半里。又得一洞。洞皆大石層疊如重樓複閣。其中燥爽明透。徘徊久之。復上躋重崖。二里。登絕頂。爲浮蓋最高處。踞石而坐。西北霧頓開。下視金竹里。以東崩坑墜谷層層如碧玉。輕綃遠近萬狀。惟頂以南尚鬱伏未出。循西嶺而下。乃知此峰爲浮蓋最東。由此而西。蜿蜒數峰。再伏再起。極於疊石菴。乃爲西隅。再下爲白花巖矣。旣連越二峰。卽裏山趨寺之第三岡也。時余每過一峰。輒一峰開。露西峰諸石。俱各爲披露。西峰盡。又越兩峰。峰俱有石層疊。又一峰南向居中。前聳二石。一斜而尖。是名梨頭尖石。二石高數十丈。堪爲江郎支度。而下俱浮綴疊石。

遊記

一册下
閩後

二十四

數塊承以石盤。如坐嵌空處。俱可徙倚。此峰南下一支。石多嶙峋。所稱雙筍石。人攢列寺右者。皆其派也。峰後散爲五峰。廻袞離立。中藏一坪。可鷹亦高。峰所罕得者。又西越兩峰。爲浮蓋中頂。皆盤石累疊而成。下者爲盤。上者爲蓋。或數石共肩一石。或一石復平列數石。上下俱成疊臺。雙闕浮蓋仙壇。洵不誣稱矣。其石高削無級。不便攀躋。登其巔羣峰盡出。山頂之石。四旁有苔。如髮下垂。嫩綠浮烟。娟然可愛。西望疊石。石仙諸巖。尙隔三四峰。而日已過午。遂還飯寺中。別之。南下十里。卽大道。已在梨嶺之麓。登嶺過九牧。宿漁梁。下街。

初五日。下浦城舟。凡四日。抵延平郡。

初十日復逆流上永安溪泊榕溪其地爲南平沙縣之中各去六十里先是浦城之溪水小而永安之流暴漲故順逆皆遲

十一日舟曲隨山西南行亂石崢嶸奔流懸迅二十里舟爲石觸榜人以竹絲綿紙包片木掩而釘之止湧而已又十里溪右一山瞰溪如伏獅額有崖兩重閣臨其上崖下圓石高數丈突立溪中於是折而東又十里月下上一灘泊於舊縣十二日山稍開西北二十里抵沙縣城南臨大溪雉堞及肩卽溪崖也溪中多置大舟兩旁爲輪關水以舂西十里南折入山間右山石骨巉削而左山夾處有泉落均隙如玉筍又西南二十里泊洋口其地路通尤溪東有山曰里豐爲一邑之望昨舟過伏獅崖卽望而見之今遶其西而南向

遊記

一册下

閩後

二十五

十三日西南二十里漸入山又二十五里至雙口遂折而西北行五里至橫雙口溪右一水自北來永安之溪自南來至此合其北來之溪舟通巖前可七十里又五里入永安界曰新凌鋪

十四日行永安境中始聞猿聲南四十里爲鞏川上大灘十里東南行忽望見溪右峰石突兀旣而直逼其下則突兀者轉爲參差爲崩削俱盤亘壁立爲峰爲巖爲屏爲柱次第而見中一峰壁削到底或大書其上曰凌霄於是溪左之奇亦

若起而爭勝者。已舟折西北。左溪之崖較詭異。而更有出左溪上者。則桃源澗也。其峰排突溪南。上逼層漢。而下瞰迴溪。峰底深裂。流泉迸下。仰其上。曲檻飛欄。遙帶不一。急停舟登焉。循澗而入。兩崖僅裂一罅。竹影偃溪內。得橋渡澗。再上有門曰長春圃。亟趨之。則溪南之峰。前所仰眺者。已在其北。乃北上。路旁一石方平如砥。時暮色滿山。路縱橫不可辨。乃入大士殿。得道人爲導。隨之北。卽循崖經文昌閣。轉越兩亭。俱懸崖綴壁。從此折入峭夾間。其隙僅分一線上。劈山巔遠透山北。中不能容肩鑿之。乃受累級斜上。面貫其中。余所見一線天數處。武彝黃山浮蓋。曾未見若此之大。而逼遠而整者。

遊記

一册下
閩後

二六

旣而得天一方。四峰攢列。透隙而上。一石方整曰棋坪。中復得平臺。木樹當空。根盤於上。有飛橋架兩崖間。上下壁削。懸空而度。峰攢石裂。呀然成洞。曰環玉。出洞復由棋坪側。歷西塢而上。得井水甚甘冽。躋峰北。開有亭甚隘。第北溪下。逮反以逼仄。不能俯瞰。由此左下。又有泉一泓。滙爲池。以暮不及往。乃南上絕頂。八角亭冠其上。復從西路下山。出倚雲關。則石磴垂絕。罅間一下百丈。蓋是由四面斗削。惟一線爲暗磴。百丈爲明梯。遊者以梯下而一線上。始盡奇槩。舍此別無可階也。還至大士殿。昏黑不可出。道人命徒碎木然火。送之溪旁。孤燈穿綠塢。幾若陰房。磷火道人云。由長春圃二里。

有不塵館笏又有一百丈巖皆有勝可遊余領之返舟促舟子夜行不可乃與奴輩併力刺舟幸灘無石月漸朗二鼓泊廢石梁下行二十里去永安止二里

十五日抵城西橋下橋已毀而大溪自西來橋下之溪自南來依然余遊至華時也連城西而南溯南來之溪以去五十里至長倩溪出山右路循山左乃捨溪登嶺越嶺兩重西南過溪橋五里南過溪鳴橋又五里直凌西南山角以爲已窮絕頂其上乃更復窅然不復上循山半而南紆折翠微間俯瞰山底溪迴屈曲惟聞吼怒聲而深不見水蓋峻巒削岫錯立如交牙水漱其根上皆叢樹行者惟見翠葆浮空非聞水聲幾以爲一山也久之偶於樹隙稍露迴淵渾赤如血又五里與赤溪遇又五里止於林田

遊記一册下

闕後

二十七

十六日沿山二里有嶂自南直下峰東有小溪西爲大溪俱北會林田而注於大煞嶺西者渡小溪循峰南上共五里至下橋逶迤南躋又八里得上橋一澗飛空懸橋而度兩旁高峰挿天度橋路愈峻十里從山夾中直躋兩高峰之南登嶺巔迴視兩高峰已在履下計其崇峻大煞浮蓋當皆出其下南下三十五里抵寧洋縣

十七日下舟達華封

十八日上午始抵陸漸登山阪溪從右去以灘高石阻舟不

能前也。十里過山麓，又五里跨華封絕頂，溪從其下折而西去。遙望西數里外，灘石重疊，水勢騰激，至有一灘純石中斷，而不見水者。此峽中最險處，自念前以雨阻不能達，今奈何？交臂失之，乃北下三里，得邨一塢，以爲去溪不遠。沿塢西行里許，欲臨溪，不得路，始從蔗畦中下。蔗窳，又有蔓植者，花如葦，細葉未成，復踐蔓行。土流沙削，不受履，方藉蔓爲級，未幾蔓窮，皆荆棘藤刺，叢不能入。初側身投足，不辨高下，時時陷石坎，掛樹杪，旣忽得一橫溪，大道沿之。西三里，曠溪咫尺，灘聲震耳，謂前所望中斷之險，必當其處。時大道直西去，通吳鎮羅壩，覓下溪之路，久不得見。一小路伏叢棘中，乃匍匐就

遊記

一册下

閩後

二十八

之初，猶有路影，未幾下皆積葉，高尺許，蛛網罨之，上則棘莽蒙密，鈎髮懸股，百計難脫。比脫，則懸澗注溪，危石疊嵌而下，石皆累空，間登其上，始復見溪，而石不受足，轉墮深莽，余計不得前，乃卽從澗水中攀石，踐流，遂抵溪石上，其石大如百間屋，側立溪南，溪北復有崩崖，壅水，水旣南避，巨石北激，崩塊衝擣，莫容躍隙而下。卽升降懸絕，倒湧逆卷，崖爲之傾，舟安得通也。踞大石坐，又攀渡溪中，突石而坐，望前溪西去，一瀉之勢，險無逾此。久之，溯大溪，踐亂石，山轉處，溪田層綴，從之始得路，循而西轉，過所踞溪石二里許，灘聲復沸，如前則又一危磯也。西二里得小路，隨山脊直瞰溪而下，始見前

不可下之灘，卽在其上流，而嶺頭所望純石中斷之灘，卽在其下流，此嘴中懸兩灘間，非至此則兩灘幾有遁形矣。逾嶺下舟，明日抵漳州司理署。

遊天台山日記 後

壬申三月十四日，自寧海發騎，四十五里，宿岔路口。其東南十五里，爲桑洲驛，乃台郡道也。西南十里，松門嶺，爲入天台道。

十五日，渡水母溪，登松門嶺，過玉愛山，共三十里，飯於筋竹嶺菴。其地爲寧海天台界，陟山岡三十餘里，寂無人烟，昔彌陀菴亦廢。下一嶺，叢山杳冥中，得邨家，淪茗飲石上。又十餘

遊記

一册下
天台後

二十九

里，逾嶺而入天封寺。寺在華頂峰下，爲天台幽絕處，卻騎同僧無餘。上華頂寺，宿淨因房，月色明瑩，其地去頂尚三里。余乘月獨上，悞登東峰之望海尖，西轉，始得路至華頂歸寺，已更餘矣。

十六日，五鼓，乘月上華頂，觀日出，衣履盡濕，還炙衣寺中。從寺右逾一嶺，南下十里，至分水嶺。嶺西之水出石梁，嶺東之水出天封，循溪北轉，水石漸幽。又十里，過上方廣寺，抵曇花亭，觀石梁奇麗，若初識者。

十七日，仍出分水嶺，南十里，登紫嶺，嶺甚高，與華頂分南北。界西下至龍王堂，其地爲諸道交會處。南十里，至寒風關，又

南下十里至銀地嶺有智者塔已廢左轉得大悲寺寺旁有石爲智者拜經臺寺僧恒如爲炊飯乃分行囊從國清下至縣余與仲昭兄以轉裝東下高明寺寺爲無量講師復建石有幽溪溪側諸勝曰圓通洞松風閣靈響巖

十八日仲昭坐鳳通洞寺僧導余探石笋之奇循溪東下抵螺溪溯溪北上兩崖峭石夾立樹巔飛瀑紛紛踐石躡流七里山迴溪墜已至石笋峰底仰面峰莫辨以右崖掩之也從崖側逾隙而下反出石笋之上始見一石矗立澗中澗水下搗其根懸而爲瀑亦水石奇勝處也循溪北轉兩崖愈峭下澗爲潭是爲螺螄潭上壁立而下淵深攀崖側懸藤踞石遙睇其內潭上石壁中劈爲四岐若交衢然潭水下薄不能窺其涯渙最內兩崖之上一石橫嵌儼若飛梁梁內飛瀑自上墜潭中高與石梁等四旁重崖迴映可望而不可卽非石梁所能齊也聞其上有仙人鞋在寒風闕之左可逾嶺而至雨驟不成行還憩松風閣

二十日抵天台縣至四月十六日自雁宕返乃盡天台以西之勝北七里至赤城麓俯視丹霞層亘浮屠標其巔兀立於重嵐攢翠間上一里至中巖巖中佛廬新整不復似昔時彫敝時急於瓊臺雙闕不暇再躡上巖遂西越一嶺由小路七里出落馬橋又十五里西北至瀑布山左登嶺五里上桐栢

山越嶺而北得平疇一圍羣峰環遶若另闢一天桐栢宮正當其中惟中殿僅存夷齊二石像尚在右室雕琢甚古唐以前物也黃冠久無住此者羣農見遊客至俱停耕來訊遂挾一人爲導西三里越二小嶺下層崖中登瓊臺焉一峰突瞰重坑三面俱危崖迴繞崖右之溪從西北萬山中直搗峰下是爲百丈崖崖根澗水至瓊臺脚下一泓深碧如黛是名百丈龍潭峰前後起一峰卓立如柱高與四圍之崖等卽瓊臺也臺後倚百丈崖前卽雙闕對峙層崖外遶秀絕附麗登臺者從北峰懸墜而下度均脊處咫尺復攀枝仰陟而上俱在削石流沙間趾無所着也從臺端再攀歷南下有石突起窟

遊記 一册下
天台後

三十一

其中爲龕如琢削而就者曰仙人坐瓊臺之奇在中懸絕壑積翠四遶雙闕亦其外遶中對峙之崖非由澗底再上不能登也憶余二十年前同雲峰自桃源來適其外澗入第深窮其窟與今始俯瞰於崖端高深俱無遺勝矣飯桐栢宮仍下山麓南從小徑渡溪十里出天台關嶺之官道復南入小徑隙行十里路左一峯兀立若天柱問知爲青山苗又湖南來之溪十里宿於坪頭潭之旅舍

十七日由坪頭潭西南八里至江司陳氏渡溪左行又八里南折入山陟小嶺二重又六里重溪廻合中忽石巖高峙其南卽寒巖東卽明巖也令僮先馳炊於明巖寺余輩遂南向

寒巖路左俱懸崖盤列中有一洞呀然洞前石瓦蹲伏口耳俱備路右卽大溪縈廻中一石突出如擎蓋心頗異之旣入寺向僧索龍鬚洞靈芝石卽此也寒巖在寺後宏敞有餘玲瓏未足由洞右一上視鵲橋而出由舊路一里右入龍鬚洞路爲莽棘所翳上躋里許如歷九霄其洞圓聳明豁洞口斜倚一石頗似雁宕之石梁而梁頂有泉中灑與寶冠之芭蕉洞如出一治下山仍至舊路口東溯小溪南轉入明巖寺寺在巖中石崖四面環之正東面八寸關通一線寺後洞窈窕非一洞右有石笋突起雖不及靈巖之雄偉亦具體而微矣飯後由故道騎而馳三十里返坪頭潭又北二十五里過大溪卽西從關嶺來者是爲三茅又北五里越小澗二重直抵北山下入護國寺宿焉

遊記一册下
天台後

三十三

十八日晨急詣桃源桃源在護國東二里西去桐栢僅八里昨遊桐栢時留爲還登萬年之道故先寒明及抵護國知其西有秀溪由此入萬年更可收九里坑之勝於是又特趨桃源初由澗口入里許得金橋潭由此而上兩山愈束翠壁穹崖層累曲折一溪介其中溯之三折而溪窮瀑布數丈由左崖瀉溪中余昔來瀑下路窮莫可上仰視穹崖北峙溪左右雙鬢諸峰娟娟攢立嵐翠交流幾不能去今忽從右崖叢莽中爭得石徑層疊遂不及呼仲昭冒雨撥棘而上登級旣盡

復疊石橫棧，度崖之左，已出瀑上，更溯之入，直抵北巖下，蹊磴俱絕，兩瀑自巖左右分道下，過睇巖左，猶有遺磴，從之，則向有累石爲橋於左瀑上者，橋已中斷，不能度，睇瀑之上，流從東北夾壁中來，止容一線，可踐流而入，計其勝，不若右巖之瀑，乃還從大石間，向西北上躋，抵峽窟下，得重潭，甚厲，四面俱直薄，峽底無可緣陟，第從潭中西望，見石峽之內，復有石峽，瀑布之上，更懸瀑布，皆從西北杳冥中來，至此縉紛亂墜於迴崖削壁之上，嵐光掩映，石色欲飛，久之，還出層瀑下，仲昭以寬路未得，方獨坐觀瀑，遂同返護國，聞桃源溪口，亦有路登慈雲、通元二寺，入萬年，路較近，特以秀溪勝，故飯後

遊記一冊下
天台後

三十三

仍取秀溪道，西行四里，北折入溪，溯流三里，漸轉而東，向是爲九里坑，坑既窮，一瀑破東崖下墜，其上亂峰森立，路無可上，由西嶺攀躋，遠出其北，迴瞰瀑背，石門雙插，內有龍潭在焉，又東北上數里，逾嶺，山坪忽開，五峰圍拱，中得萬年寺，去護國三十里矣，萬年爲天台西境，正與天封相對，石梁當其中，寺中古杉甚多，飯於寺，又西北三里，逾寺後高嶺，又向西升，陟嶺角者十里，乃至騰空山，下午枯嶺，三里抵麓，又西逾小嶺，三重共十五里，出會墅，大道自南來，望天姥山在內，已越而過之，以爲會墅，乃平地耳，復西北下三里，漸成溪，循之行五里，宿班竹旅舍，天台之溪，余所見者，正東爲水母溪

察嶺東北華頂之南有分水嶺不甚高西流爲石梁東流過天封遶摘星嶺而東出松門嶺由寧海而注於海正南爲寒風關之溪下至國清寺會寺東佛隴之水由城西而入大溪者也國清之東爲螺溪發源於仙人鞋下墜爲螺蛸潭出與幽溪會由坡東而入大溪者也又東有檜溪諸水余屐未經國清之西其大者爲瀑布水水從龍王堂西流過桐栢爲女梭溪前經三潭墜爲瀑布則清溪之源也又西爲瓊臺雙闕之水其源當發於萬年寺東南東過羅漢嶺下深坑而滙爲百丈崖之龍潭遶瓊臺而出會於青溪者也又西爲桃源之水其上流有重瀑東西交注其源當出通元左右未能窮也

遊記

一册下
天台後

三四

又西爲秀溪之水其源出萬年寺之嶺西下爲龍潭瀑布西流爲九里坑出秀溪東南而去諸溪自青溪以西俱東南流入大溪又正西有關嶺王渡諸溪余屐亦未經從此再北有會墅嶺諸流亦正西之水西北注於新昌再北有福溪羅木溪皆出天台陰而西爲新昌大溪亦余屐未經者矣

遊雁宕山日記

後

余與仲昭兄遊天台爲壬申三月至四月二十八日達黃巖再訪雁山覓騎出南門循方山十里折而西南行三十里逾秀嶺飯於巖前鋪五里爲樂清界五里上盤山嶺西南雲霧中隱隱露芙蓉一簇雁山也十里鄭家嶺十里大荆驛渡石

門澗新雨溪漲水及馬腹五里宿於章家樓是爲雁山之東
外谷章氏盛時建樓以憩山遊之辰今旅肆寥落猶存其名
二十九日西入山望老僧巖而趨二里過其麓又二里北渡
溪上石梁洞仍還至溪旁西二里逾謝公嶺嶺以內是爲東
內谷嶺下有溪自北來夾溪皆重巖怪峰突兀無寸土雕鏤
百出渡溪北折里許入靈峰寺峰峰奇峭離立滿前寺後一
峰獨聳中裂一壘上透其頂是名靈峰洞躡千級而上石臺
重整洞中羅漢像俱更新下飯寺中同僧自照膽潭越溪左
觀風洞洞僅半規風蓬蓬出射數步外遂從溪左歷探崖間
諸洞還寺兩大至余乃赤足持傘溯溪北上將抵真濟寺山
深霧黑茫無所睹乃還過溪東入碧霄洞守愚上人精舍在
焉余覺其有異令僮還招仲昭亦踐流而至恨相見之晚薄
暮返宿靈峰

遊記

一册下
雁岩後

三十五

三十日冒雨循流西折二里一溪自西北來合其勢愈大渡
溪而西溯而西北行三里入淨名寺雨益甚雲霧中仰見兩
崖重巖夾立層疊而上莫辨層次衣履沾透益深窮西谷中
有水簾谷雜摩石室說法臺諸勝二里至響巖巖右有二洞
飛瀑罩其外余從榛莽中履險以登其洞一名龍王一名三
台二洞之前有巖突出若露臺然可棧而通也出洞返眺響
巖之上一石側耳附峰頭爲聽詩叟又西二里入靈巖自靈

峰西轉皆崇巖連嶂一開而爲淨名一壘直入所稱一線天也再開而爲靈巖登嶂廻環寺當其中

五月朔仲昭與余同登天聰洞洞中東望圓洞二北望長洞一皆透漏通明第峭石直下隔不可履余乃復下至寺中負梯破莽率僮踰別塢直抵圓洞之下梯而登不及則斫木橫嵌夾石間踐木以升復不及則以繩引梯懸石隙之罅梯窮濟以木木窮濟以梯梯木俱窮則引繩採樹遂入圓洞中呼仲昭相望而語復如法躡長洞而下已日中矣西抵小龍湫之下欲尋劍泉不可得蹠石磧而坐仰視廻嶂通天峭峰倒插飛流掛其中真若九天曳帛者西過小剪刀峰又過鐵板

遊記

一册下
雁宕後

三六

嶂嶂方展如屏高插層巖之上下開一隙如門惟雲氣出沒阻絕人跡又過觀音巖路漸西巖漸拓爲犁尖復與常雲並峙常雲南下跌而復起爲戴辰峰其跌處有逾曰馬鞍嶺內谷之東西分者以是嶺爲界從靈巖至馬鞍嶺凡四里而崇巒峴嶺應接不暇均嶺日色漸薄唵噫二里西過大龍湫溪口又二里西南入宿能仁寺

初二日從寺後塢覓方竹無佳者上有曇花菴頗幽寂出寺右觀燕尾水卽溪流自龍湫來者分三股落石間故名仍北溯流二里西入龍湫溪日更西二里由連雲嶂入大剪刀峰矗然立澗中兩崖石壁迴合大龍湫之水從天下墜坐看不

足亭前對龍湫後掛剪刀身在四山中也出連雲嶂逾華巖嶺共二里入羅漢寺寺久廢臥雲師近新之臥雲年八十餘其相與飛來石羅漢相似開山巨手也余邀師窮頂師許同上常雲而雁湖反在其西由石門寺爲便時已下午以常雲期之後日遂與其徒西逾東嶺至西外谷其四里過石門寺廢趾隨溪西下一里有溪自西來合卽凌雲寶冠諸水也二水合而南入海乃更溯西來之溪宿於凌雲寺寺在含珠峰下孤峰插天忽裂而爲二自頂至踵僅離咫尺中含一圓石如珠尤奇絕循溪北入石夾卽梅雨潭也飛瀑自絕壁下激甚雄壯不似空濛雨色而已

遊記

一册下
雁宕後

三十七

初三日仍東行三里溯溪北入石門停擔於黃氏墓堂歷級北上雁湖頂道不甚峻直上二里向山漸伏海嶼來前愈上海輒逼足下又上四里遂逾山脊山自東北最高處迤邐西來播爲四支皆易石而土四支之脊隱隱隆起其夾處漚而成窪者三每窪中復有脊南北橫貫中分爲兩總計之不止六窪矣窪中積水成蕪青青瀾望所稱雁湖也而水之分墮於南者或自石門或出凌雲之梅雨或爲寶冠之飛瀑其北墮者則宕陰諸水也皆與大龍湫風馬牛無及云旣迤邐南望大海北瞰南閩之溪皆遠近無蔽惟東峰尙高出雲表余欲從西北別下寶冠重巖積莽莫可寄足復尋舊路下石門

西過凌雲從含珠峰外二里依澗訪寶冠寺寺在西谷絕塢中已久廢其最深處石崖迴合磴道俱絕一洞高懸崖足斜石倚門門分爲二軒豁透爽飛泉中灑內多芭蕉頗似閩之美入蕉外則新篁高下漸以成林至洞聞瀑聲如雷而崖石迴掩杳不可得見乃下山涉溪迴望洞之右腕崖卷成罅瀑從罅中直墜下搗於圓坳復躍出坳成溪去其高亞龍湫較似壯勝故非宕山第二流也東出故道宿羅漢寺

初四日早望常雲峰白雲濛濛然不爲阻促臥雲同上東逾華巖二里由連雲峰之左道松洞之右躋級西上共三里俯瞰剪刀峰已在屐底二里山迴溪出龍湫上流也渡溪過白

遊記一册下
雁宕後

三十八

雲雲外二廬又北入雲靜菴菴廬與登山徑修整俱異昔時臥雲令其徒採笋炊飯旣飯諸峰雲氣倏盡仲昭留坐菴中余同臥雲直躋東峰又二里漸聞水聲則大龍湫從卷崖中瀉下水出絕頂之南常雲之北夾塢中卽其源也溯水而上二里水聲漸微又二里逾山脊此脊北倚絕頂南出分爲兩支東支爲觀音巖西支爲常雲峰此其過脉處也正脊之東爲吳家坑其峰之迴列者近爲鐵板嶂再遠爲靈巖又再遠爲淨名又再遠爲靈峰外爲謝公嶺而盡脊之西其坑卽龍湫背其峰之迴列者近爲龍湫之對崖再遠爲芙蓉峰又再遠爲凌雲又再遠爲寶冠上爲李家山而止此雁山之南面

諸峰也。而觀音常雲二峰，正當其中。已伏杖履下，惟北峰若負屣然，猶屏立於後。北上二里，一脊平時狹如垣牆，兩端昂起，北頽然直下，卽爲南閣溪。橫流界不若南面之環互矣。余從東巔躋西頂，條躑躅聲大起，則駭鹿數十頭也。其北一峰中剖若斧斲，中則石筍參差，亂崖森立，深杳無底，鹿皆奔墮其中。想有隕墜者，諸僧至復以石片擲之，聲如裂帛，半晌始沉。鹿益啼號不止，從此再西，則石脊中斷，峰亦漸下。西北眺雁湖，愈遠愈下。余二十年前探雁湖，東覓高峰爲斷崖所阻，懸綆而下，卽此處也。昔歷其西，今東出其上，無有遺憾矣。返下雲靜菴，循溪至大龍湫上，下瞰湫底，龍潭圓轉夾崖間。水從卷壁墜，潭躍而下，噴光怪不可迫視，遂逾溪西上。南出龍湫之對崖，歷兩峰而南，其嶺卽石門東。羅漢之西南出爲芙蓉峰，又南下爲東嶺者也。芙蓉峰圓亘特立，在羅漢寺西南隅，旣至其下，始得路東達於寺。日已西，仲昭亦先至矣。

初五日，別臥雲出羅漢寺，循溪一里，至龍湫溪口。凡四里，逾馬鞍而下，北望觀音峰下，有石壘若門，層列非一。仲昭已前向靈巖，余挾一僮北抵峰下，循樵路西轉二里，直抵觀音常雲之麓。始知二峰上雖遙峙，其下石壁連亘成城，又循崖東躋里許，出石壘之上，叢木密蔭，不能下窺。崖端盤石如擎蓋，上平如砥，其下四面皆空，坐其上久之，復下循石壘而入層

崖懸裂皆可捫而通也。學外一峰特起，薄齊片雲，圓頂拱袖，高若老僧巖儼。若小兒拱立，出路隅，居多吳氏。有吳應岳者，留余餐，余挾之湖溪入，卽絕頂所望吳家坑溪也。在鐵板觀音之間，欲上溪左黃崖層洞，崖在鐵板嶂之西，洞在崖之左。若上下二層者，抵其下，不得上，出其上，洞又在懸崖間，無可下也。乃循崖東行，又得一石壘，望其上，層疊可入，計非構木懸梯不能登。從此下一小峰，曰鶯嘴巖，與吳別東，邁鐵板嶂下，見其中石壘更大，下若有洞流而成溪者，亟溯流入，抵洞下，亂石窒塞，而崖左有路，直上，鑿坎懸崖間，垂藤可攀，遂奮勇上，衣礙則解，衣杖礙則棄，杖凡直上一崖，復橫歷一崖，如是者再，又棧本爲橋者，再遂入石壘中，石對峙如門，中寬廣，得累級以升，又入石門，兩重，仰睇其上，石壁環立，青天一圍，中懸如井，壁窮透入洞中，洞底日光透處，有木梯，探升其上。若樓閣然，從閣左轉，復得平墟，後卽鐵板嶂高列，東西石崖環繞，南面石墜下，伏軒敞，迴合，眞仙靈所宅矣。內有茅屋一楹，虛無人居，隙地上多茶樹，故坎石置梯，往來其間耳。下至溪，有居民，遂越小剪刀峰而東，二里，入靈巖，與仲昭會。

初六日，挾靈巖僧爲屏霞嶂之遊，由龍鼻洞右攀石罅上，半里，得一洞，甚奇，又上半里，崖穹路絕，有梯倚崖，巖壑崢嶸，炭者所遺，緣梯出其上，三巨石橫疊，兩崖間，內覆石成室，跨其外。

遊記

一册下
雁宕後

四十

者爲僂橋其室空明幽敞敞於重巖之側雖無鐵板嶂石門之奇瑰攢合而幽邃自成一天復透洞左上攀藤歷棧遂出屏霞嶂之中層蓋龍鼻頂也崖端亦寬塏可廬後嶂猶上倚霄漢嶂右有巖外覆飛泉落其前由右復攀躋崖石幾造嶂頂爲削石所阻其側石隙一縷草木緣附可以着足遂隨之下崖間多修藤垂蔓各採而攜之當石削不受樹樹盡不受履處輒垂藤下如是西越石岡者五重降升不止數里始下臨絕澗卽小龍湫上遊也其澗發源雁頂之東南右卽鐵板左卽屏霞二嶂中墜爲絕壑重崖虧蔽上下無徑非懸縋不能飛度也入澗踐石隨流東行里許夫石橫踞澗中水不能

遊記

一册下
雁宕後

四十一

越穴石下搗兩旁峭壁皆斗立行者路絕乃縛木爲梯升崖端復絕入前澗下流則橫石之下穹然中空可樹十丈旗水從石後建甃下注滙潭漾碧儻然沁人左右兩崖俱有洞高峙由此而前卽龍湫下墜處也余兩次索劍泉寺僧輒云在龍湫上人方鮮達今仍杳然知淪沒已久欲從此橫下兩峰遂可由仙橋達石室乃斫木縛梯盤絕巘者數四俯視獨秀雙鸞諸峰近在屐底旣逼仙橋隔崖中斷日已西疲甚乃返覓前轍復經屏霞側石室返寺攜囊過淨名投宿靈峰

初七日湖寺前溪觀南碧霄岡軒爽無他奇又三里西轉望真濟寺在溪北塢中是溪西由斷崖破峽而來峽南峰爲五

馬朝天崢嶸尤甚兩旁逼仄石蹊內無居民棘茅塞路行里許甚艱不可窮歷北過真濟寺寺僻居北谷遊屐不到寺右溯小溪三里登馬家山嶺路甚峻登巔望雁頂稜簇如蓮花狀北瞰南閣已在屐底飛寫而下四里餘得新菴弛檐於中湖南閣溪探宕陰諸勝南閣溪發源雁山西北之箬鼻嶺去此三十餘里與永嘉分界由嶺而南可通芙蓉入樂清由嶺而西走楓林則入甌郡道也溪南卽雁山之陰山勢崇拓竹木蒼葦不露南面巖嶽態溪北大山自箬鼻迤邐而來皆層崖怪峰變換闕闕與雲霧爭幻至閣而止又一山北之溪自北閣來會俱東下石門潭門內平疇千畝居人皆以石門爲戶牖此閣所由名而南北則分以溪也南閣有章恭毅宅西入有石佛洞散水巖洞仙巖諸勝北閣有白巖寺舊址更西有王子晉仙橋爲尤奇余冒雨窮南閣先經恭毅宅聚族甚盛溯溪五里過犁頭菴南卽石佛洞以路蕪不能入西十里至莊塢夾溪居民皆葉姓散水巖在北塢中石崖橫亘飛瀑懸流巖左登嶺有小菴時暮雨土人留宿莊塢具言洞仙院之勝

遊記

一冊下
雁宕後

四十二

初八日雨未止西溯溪行三里山澗愈幽隨溪轉而北又二里隔溪小徑破雲磴而入東渡溪從之忽峰迴溪轉深入谷中則烟巒歷亂峰從莊塢之後連亘至此又開一隙現此瑰

異執土人間之曰此小纂厝也洞仙尙在其外大溪上流復出而渡溪里許有溪自東來入卽洞仙塢溪矣渡大溪溯小溪東上其中峰巒茅舍與前無異仙洞卽在其內崖倚峰北向層篁翳之乃破莽躋石隙而入初甚隘最上漸寬仍南出莊塢東還犁頭菴終不得石佛洞道遂出過南閣訪子晉仙橋在北閣底尙二十里念仲昭在新菴甚近還晤菴中目已瞞竟不及爲北閣遊東趨大荆而歸

大遊五臺山日記

山西太原府五臺縣

天旱無雨

癸酉七月二十八日出都爲五臺遊越八月初四日抵阜平南關山自唐縣來至唐河始密至黃葵漸開勢不甚穹窿矣

遊記

一册下
五臺

四十三

從阜平西南過石梁西北諸峰復崿嶮起循溪左北行八里小溪自西來注乃捨大溪溯西溪北轉山峽漸東又七里飯於太子鋪北行十五里溪聲忽至迴顧右崖石壁數十仞中均如削爪直下上亦有均乃瀑布所從溢者今天旱無瀑瀑痕猶在削均間離澗二三尺泉從均間細孔泛濫出下遂成流再上逾鞍子嶺嶺上四眺北塢頗闊東北西北高峰對峙俱如仙掌挿天惟直北一隙少殺復有遠山橫其外卽龍泉關也去此尙四十里嶺下有水從西南來初隨之北行已而溪從東峽中去復逾一小嶺則大溪從西北來其勢甚壯亦從東南峽中去當卽與西南之溪合流出阜平北者余初過

阜平捨大溪而西以爲西溪卽龍泉之水也不謂西溪乃出
鞍子嶺坳壁逾嶺而復與大溪之上流遇大溪則出自龍泉
者溪有石梁曰萬年過之溯流望西北高峰而趨十里逼峰
下爲小山所掩反不睹嶙峋之勢轉北行向所望東北高峰
瞻之愈出趨之愈近峭削之姿遙遙逐人二十里之間勞於
應接是峰名五巖寨又名吳王寨有老僧廬其上已而東北
峰下溪流溢出與龍泉大溪會土人構石梁於上非龍關道
所經從橋左北行八里時遇崩崖矗立溪上又二里重城當
隘口爲龍泉關

初五日進南關出東關北行十里路漸上山漸奇泉聲漸微

遊記

一册下

五臺

四十四

旣而石路陡絕兩崖巍峰峭壁合沓攢奇山樹與石競麗錯
綺不復知升陟之煩也如是五里崖逼處復設石關二重又
直上五里登長城嶺絕頂迴望遠峰極高者亦伏足下兩旁
近峰擁護惟南來一線有山隙徹目百里嶺之上巍樓雄峙
卽龍泉上關也關內古松一株枝聳葉茂千雲俊物關之西
卽爲山西五臺縣界下嶺甚平不及所上十之一十三里爲
舊路嶺已在平地有溪自西南來至此隨山向西北去行亦
從之十里五臺水自西北來會合流注滹沱河乃循西北溪
數里爲天池莊北向塢中二十里過白頭菴邨去南臺止二
十里四顧山谷猶不可得其彷彿又西北二里路左爲白雲

寺由其前南折攀躋四里折上三里至千佛洞乃登臺間道又折而西行三里始至。

初六日風怒起滴水皆水風止日出如火珠湧吐翠葉中循山半西南行四里逾嶺始望南臺在前再上爲燈寺由此路漸峻十里登南臺絕頂有文殊舍利塔北面諸臺環列惟東南西南少有隙地正南古南臺在其下遠則孟縣諸山屏峙而東與龍泉崢嶸接勢從臺右道而下塗甚夷可騎循西嶺西北行十五里爲金閣嶺又循山左西北下五里抵清涼石寺宇幽麗高下如圖畫有石爲芝形縱橫名九步上可立四百人面平而下銳屬於下石者無幾從西北歷棧拾級而上十二里抵馬跑泉泉在路隅山窩間石隙僅容半蹄水從中溢出竊亦平敞可寺而馬跑寺反在泉側一里外又平下八里宿於獅子窠。

遊記

一册下

五臺

四十五

初七日西北行十里度化度橋一峰從中臺下兩旁流泉淙淙幽靚迥絕復度其右澗之橋循山西向而上路欹甚又十里登西臺之頂日映諸峰一一獻態呈奇其西面近則閉魔巖遠則雁門關歷歷可俯而挈也閉魔巖在四十里外山皆陡崖盤亘層累而上爲此中奇處入叩佛龕卽從臺北下三里爲八功德水寺北面左爲維摩閣閣下二石聳起閣架於上閣柱長短隨石參差有竟不用柱者其中爲萬佛閣佛俱

金碧旃檀羅列輝映不啻萬尊前有閣二重俱三層其周廬環閣亦三層中架複道往來空中當此萬山艱阻非神力不能運此從寺東北行五里至大道又十里至中臺望東臺南臺俱在五六十里外而南臺外之龍泉反若更近惟西臺北臺相與連屬時風清日麗山開列如鬚眉余先趨臺之南登龍翻石其地亂石數萬湧起峰頭下臨絕塢中懸獨聳言是文殊放光攝影處從臺北直下者四里陰崖懸冰數百丈曰萬年冰其塢中亦有結廬者初寒無幾臺間冰雪種種而是間雪下於七月二十七日正余出都時也行四里北上澡浴池又北上十里宿於北臺北臺比諸臺較峻余乘日色周眺寺外及入寺日落而風大作

遊記一冊下
五臺

四十六

初八日老僧石堂送余歷指諸山曰北臺之下東臺西中臺中南臺北有塢曰臺灣此諸臺環列之槩也其正東稍北有浮青特銳者恒山也正西稍南有連嵐一抹者雁門也直南諸山南臺之外惟龍泉爲獨雄直北俯內外二邊諸山如蒼蒼惟茲山之北護峭削層疊嵯峩之勢獨露一斑此北臺歷覽之槩也此去東臺四十里華巖嶺在其中若探北岳不若竟由嶺北下可省四十里登降余領之別而東直下者八里平下者十二里抵華巖嶺由北塢下十里始夷一澗自北一澗自西兩澗合而羣峰奏深壑中一壺天也循澗東北行二

十里曰野子塲南自白頭菴至此數十里內生天花草出此則絕種矣由此兩崖屏列鼎峙雄峭萬狀如是者十里石崖懸絕中層閣傑起則懸空寺也石壁尤奇此爲北臺外護山不從此出幾不得臺山神理云

遊恒山日記 山西大同府渾源縣

去北臺七十里山始豁然曰東底山臺山北盡卽屬繁峙界矣

初九日出南山大溪從山中俱來者別而西去余北馳平陸中望外界之山高不及臺山十之四其長繚繞如垣東帶平邢西接雁門橫而徑者十五里北抵山麓渡沙河卽爲沙河

遊記

一册下
恒山

四十七

堡依山瞰流磚甃高整由堡西北七十里山小石口爲大同西道直北六十里出北路口爲大同東道余從堡後登山東北數里至峽口有水自北而南卽下注沙河者也循水入峽與流屈曲荒谷絕人數里義興寨數里朱家坊又數里至葫蘆嘴舍澗登山循嘴而上地復成塢溪流北行爲渾源界又數里爲土嶺去州尙六十里西南去沙河共五十里矣遂止

居民同姓家

初十日循南來之澗北去三里有澗自西來合其東北折而去余溯西澗入又一澗自北來遂從其西登嶺道甚峻北向直上者六七里西轉又北躋而上者五六里登峰兩重造其

巔名箭筈嶺自沙河登山涉澗盤旋山谷所值皆土魁荒阜不意至此而忽躋穹窿然嶺南猶復阿蒙也一逾嶺北瞰東西峰連壁墮翠蜚丹流其盤空環映者皆石也而石又皆樹石之色一也而神理又各分妍樹之色不一也而錯綜又成合錦石得樹而嗟哉傾嶺者幙以藻繪而愈奇樹得石而平鋪倒蟠者緣以突兀而尤古如此五十里直下至院底則奔泉一壑自南注北遂與之俱出塢口是名龍峪口堡臨之邨居頗盛皆植梅杏成林蔽麓旣出谷復得平陸其北又有外界山環之長亦自東而西東去渾源州三十里西去應州七十里龍峪之臨外界高卑遠近一如東底山之視沙河峽

遊記 一册下

恒山

四十八

口諸山也於是沿山東向望峪之東山愈嶙嶒斗峭問知爲龍山龍山之名舊著於山西而不知與恒岳比肩至是旣西涉其闔域又北覽其面目從不意中得之可當五臺桑榆之收矣東行十里爲龍山大雲寺寺南面向山又東十里有大道往西北直抵恒山之麓遂折而從之去山麓尙十里望其山兩峰亘峙車騎接軫破壁而出乃大同入倒馬紫荆大道也循之抵山下兩崖壁立一澗中流透罅而入逼仄如無所向曲折上下俱成窈窕伊闕雙峙武彝九曲俱不足以擬之也時清流未泛行卽溯澗不知何年兩崖俱鑿石坎大四五尺深及丈上下排列想水溢時插木爲閣道者今廢已久僅

存二木懸架高處猶棟梁之巨擘也三轉嘆愈隘崖愈高西崖之半層樓高懸曲榭斜倚望之如蜃吐重臺者懸空寺也五臺北壑亦有懸空寺擬此未能具體仰之神飛鼓舞獨登八則樓閣高下檻路屈曲崖旣轟削爲天下巨觀而寺之巖綬兼能盡勝依巖結構而不爲巖石累者僅此而僧寮位置適序凡客坐禪龕明窓煖榻尋丈之間蕭然中雅旣下又行峽中者三四轉則洞門豁然巒壑掩映若別有一天者又一里澗東有門榜三重高列阜上其下石級數百層承之則北岳恒山廟之山門也去廟尙十里左右皆土山層疊岳頂杳不可見止門側土人家爲明日登頂計

遊記 一册下
恒山

四十九

十一日風翳淨盡澄碧如洗策杖登岳面東而上土岡淺阜無攀躋勞蓋山自龍泉來凡三重惟龍泉一重峭削在內而關以外反土谷平曠五臺一重雖崇峻而骨石聳拔俱在東底山一帶出峪之處其第三重自峽口入山而北西極龍山之頂東至恒岳之陽亦皆藏鋒斂鐔一臨北面則峰峰陡削悉現巖巖本色二里轉北山皆煤炭不深鑿即可得又一里則土石皆赤有虬松離立道旁亭曰望仙又三里則崖石漸起松影篩陰是名虎風口於是石路縈迴始循崖乘峭而上三里有傑坊曰朔方第一山內則官廨厨井俱備坊右東向拾級上崖半爲寢宮宮北爲飛石窟相傳真定府恒山從此

飛去再上，則北岳殿也。上負絕壁，下臨官廡，殿下雲級插天。廡門上下穹碑森立，從殿右上有石窟倚而室之，曰會仙臺。臺中像羣仙環列無隙，余時欲躋危崖登絕頂，還過岳殿東望兩崖斷處，中垂草莽者千尺爲登頂間道，遂解衣攀躡而登。二里出危崖上，仰眺絕頂，猶傑然天半，而滿山短樹蒙密，槎枒枯竹，但能鉤衣刺領，攀踐輒斷折，用力雖勤若墮洪濤，汨汨不能出，余益鼓勇上，久之棘盡始登其頂，時日色澄麗，俯瞰山北崩崖亂墜，雜樹密翳，是山土石無樹，石山則有北向俱石，故樹皆在北。渾源州城一方卽在山麓，北瞰隔山一重，蒼江無際，南惟龍泉，西惟五臺，青青與此作伍，近則龍山

遊記

一册下
恒山

五十

西亘支峰東連若比肩，連袂下扼沙漠者，旣而下西峰，尋前入曠危崖，俯瞰茫茫，不敢下，忽回首東顧，有一人飄搖於上，因復上其處，問之，指東南松栢間，望而趨，乃上時寢宮，後危崖頂未幾，果得徑，南經松栢林，先從頂上望松栢，蒼青如蒜葉草莖，至此則合抱，叅天虎風口之松栢，不啻百倍之也。從崖隙直下，恰在寢宮之右，卽飛石窟也。視余前上隘中，止隔崖一片耳。下山五里，由懸空寺危崖出，文十五里，至渾源州西關外。

